

PENCETUS MINDA KOPERASI NEGARA

INFO

BIL. 1/2024 ISSN 0127-1023



IKMa, JCC Memeterai MoU Perkukuhkan Kerjasama Saintifik dan Teknikal

International
Co-operative
Conference 2024

Seminar Governan
Koperasi: Pengukuhan Integriti
ke Arah Kelestarian Koperasi



Sidang Editor

Penasihat

YBhg. Datuk Mohd Ali Mansor

Ketua Editor

Hamidah Mohd Jos

Editor

Nor Aslamiah Ali

Nur Syazwani Zainul Abidin

Mohamad Suandi Mortadza

R. Zarinatun Mohd Abdul Kader

Ju Samsuddin Safian

Norawati Ngatmin

Norafidah Ismail@Yaacob

Adila Hashim

Maryam Hamidah Mohd Ghazi

Afiza Abdul Karim

Wan Nur 'Ain Wan Abd. Rahim

Nor Azmawati Hj. Mohd Shafii

Mohamad Haniff Mohamad

Hashim

Nazirah Baharudin

Julizah Sabstu

Nuur-Fadzillah Zullkepli

Norul Hayatie Hashim

Muhamad Shafiq Mohd Noor

Norfaezah Mahmood

Zaharatul Laili Zakaria

Nur Ain Azmira Abu Seman

Urus Setia

Sharepah Nur Azirah Shareh

Abd Rahman

Dari Meja Ketua Editor

Assalamualaikum dan Salam Malaysia MADANI kepada para pembaca Majalah INFO yang dikasihi. Alhamdulillah, menelusuri usia hampir tiga dekad, Majalah INFO masih lagi utuh dalam menyebarkan informasi terkini mengenai perkembangan program latihan di IKMa. Melalui barisan penulis dan editorial yang komited, majalah INFO sentiasa berusaha menjadi wadah utama dalam mempromosi dan melaporkan program-program IKMa khusus untuk gerakan koperasi.

Bagi tahun 2024, sudah pastinya IKMa sebagai peneraju program latihan koperasi berhasrat untuk melebarkan lagi sayap ke peringkat antarabangsa. Pelaksanaan program berimpak tinggi berupaya memperkenalkan jenama IKMa ke mata dunia. Oleh itu, antara pendekatan yang diambil oleh IKMa bagi merealisasikan hasrat tersebut adalah dengan menganjurkan program-program bertaraf antarabangsa seperti International Cooperative Conference 2024 (ICC 2024) pada 29-30 Mei 2024 yang melibatkan gerakan koperasi di seluruh dunia. Objektif program tersebut adalah untuk membincangkan isu-isu semasa dan cabaran yang dihadapi oleh gerakan koperasi seterusnya meneroka dan menyelaraskan inisiatif dengan Pembangunan Mampan Matlamat (SDG) secara kolaboratif di peringkat antarabangsa.

Hasrat ini disambut baik oleh pihak Kementerian dan agensi serta gerakan koperasi di luar negara apabila sambutan yang luar biasa diterima daripada peserta yang hadir. Bahkan, melalui penganjuran program ini, ia sekali gus dapat mempromosikan gerakan koperasi di Malaysia ke peringkat antarabangsa.

Justeru, majalah INFO keluaran 1/2024 kali ini tampil dengan pengisian program ICC 2024 sebagai penghias muka hadapan majalah. Beberapa artikel lain turut diselitkan dalam majalah INFO kali ini untuk pembacaan bersama seperti Majlis Rumah Terbuka Aidilfitri IKMa dan Penyerahan Surat Tawaran Melanjutkan Pelajaran di UKKM.

Akhir kalam, semoga para pembaca mendapat manfaat dan informasi melalui hasil perkongsian tersebut. Semoga kita terus menyokong dan membangunkan gerakan koperasi sebagai satu model perniagaan yang menyumbang kepada keharmonian dan kemakmuran komuniti tempatan dan global.

Sekian.

Hamidah Mohd Jos



Kandungan

EKSKLUSIF

- 6** IKMa, JCC Memeterai MoU Perkukuh Kerjasama Saintifik dan Teknikal
- 8** International Co-operative Conference 2024
- 11** Lawatan Rasmi dan Majlis Taklimat IKMa kepada YB Timbalan Menteri KUSKOP
- 13** Majlis Rumah Terbuka Aidilfitri IKMa dan Penyerahan Surat Tawaran Melanjutkan Pelajaran di UKKM

MasKop MADANI

- 15** Zon Tengah
- 17** Zon Sabah
- 19** Zon Sabah (Cawangan Tawau)
- 21** Zon Selatan
- 23** Zon Sarawak
- 25** Zon Sarawak (Cawangan Miri)

FOKUS

- 29** Seminar Governan Koperasi: Pengukuhan Integriti ke Arah Kelestarian Koperasi
- 31** Sektor Koperasi Wahana Pembangunan Sosioekonomi

PERSPEKTIF

- 33** Program Graduan ke Koperasi (G2k) IKMa - USIM
- 34** IKMa Bimbing Koperasi ke Arah Pengurusan Sumber Manusia yang Cepak
- 35** 44 Peserta Pelajari Pengurusan Projek Koperasi secara Efektif
- 36** Cabaran Koperasi dalam Pengurusan Rekod dan Fail yang Efektif
- 37** Majlis Perasmian Sijil Eksekutif Pengurusan Koperasi (SEPKo) 2024

- 38** Kelestarian Perniagaan Ar-Rahnu
- 39** *9th Co-operative Colloquium*
- 41** Harta Pusaka: Rezeki atau Beban
- 43** IKMa dan Yayasan Angkasa Bimbing Pelajar IPT
- 45** Kursus Audit Terlatih Ar-Rahnu Siri 1
- 46** Bengkel Pemantapan Kewangan Islam
- 48** Pengerusi IKMa Rasmi Majlis Penganugerahan Sijil Eksekutif
- 50** Pemeraksanaan Koperasi Melalui Tadbir Urus Syariah
- 51** Ramadan Membentuk Kepimpinan Koperasi Madani
- 53** IKMa Bimbing Koperasi KOSWIP Malaysia Berhad
- 54** *Reciprocity in Indigenous Communities: Perspectives from Malaysia and Canada (A Roundtable Dialogue)*
- 56** Program Madani Rakyat (PMR) 2024 Peringkat Zon Utara
- 58** Memantapkan Tadbir Urus Koperasi Melalui Kursus Pengurusan Organisasi Cemerlang

JARINGAN

- 59** IKMa Hasrat Jalin Kerjasama dengan JCC
- 61** Delegasi Ketua Pengarah IKMa ke Kementerian Kewangan dan Ekonomi Brunei Darussalam
- 63** Lawatan Penanda Aras IKMa ke Agensi Nuklear Malaysia
- 64** Kunjungan Hormat Pengarah Institut Tanah dan Ukur Negara (INSTUN)
- 65** Kunjungan Hormat Pengarah Eksekutif IDACA, Jepun
- 67** Kunjungan Hormat Polytechnic University of the Philippines ke IKMa

BERITA KAKITANGAN

- 69** Hari Terbuka Perpustakaan 2024
- 70** Program CSR Memasak dan Edaran Bubur Lambuk

GALERI





Terima Kasih

Diucapkan kepada
**YBRS. TUAN HAJI MOHD
YAHYA BIN MAT SAHRI**

atas sumbangan dan jasa serta khidmat bakti
sepanjang memegang jawatan

**PENGERUSI LEMBAGA
INSTITUT KOPERASI MALAYSIA**



Tahniah

Diucapkan kepada

YB TUAN ONN BIN ABU BAKAR

di atas pelantikan sebagai

**PENGERUSI LEMBAGA
INSTITUT KOPERASI MALAYSIA**

*Amanat
dan
Harapan*

**PENGERUSI
LEMBAGA PENGARAH IKMa**



Peranan IKMa dalam Menterjemah Pembangunan Ekonomi MADANI

Kerangka Ekonomi MADANI berteraskan pemerksaan rakyat yang dilancarkan oleh Perdana Menteri Malaysia, YAB Dato' Seri Anwar Ibrahim pada 27 Julai 2023 adalah wadah bagi mengangkat semula darjat dan martabat negara ini. Ekonomi MADANI menetapkan sasaran jangka pendek termasuk mengurangkan kemiskinan tegar supaya isi rumah miskin tegar punyai peluang meningkatkan pendapatan mereka bagi menangani cabaran kos sara hidup.

Selaras dengan sasaran ini, IKMa mengambil inisiatif menganjurkan program intervensi secara bersasar bagi menyantuni kumpulan sasar khususnya B40 untuk keluar dari kepompong mereka agar dapat sama-sama merasai kesejahteraan bersama yang diuar-uarkan serta memperkasakan gerakan koperasi di Malaysia. Sejak 2010, IKMa memberi latihan dan bimbingan lebih daripada 50,000 Anggota Lembaga Koperasi (ALK), Pengurusan Koperasi dan anggota setiap tahun.

Statistik Terkini Koperasi di Malaysia

Sehingga 31 Disember 2023, koperasi di Malaysia menunjukkan peningkatan yang signifikan:

- Jumlah Koperasi Berdaftar: 15,809
- Ahli Koperasi Berdaftar: 7.2 juta
- Jumlah Aset: RM165.8 bilion
- Perolehan: RM64.5 bilion
- Modal Syer/Yuran: RM17.4 bilion

Pada tahun 2023 sahaja, sebanyak 1001 koperasi baharu berjaya didaftarkan, menunjukkan peningkatan kesedaran masyarakat mengenai kepentingan koperasi berbanding tahun-tahun sebelumnya yang mencatatkan sekitar 600 hingga 700 pendaftaran setahun.

Ekonomi MADANI turut menetapkan tujuh penanda aras sebagai sasaran jangka sederhana. Tiga dari tujuh penanda aras tersebut adalah:

- i. Peratusan pendapatan buruh mencapai 45% daripada jumlah keseluruhan pendapatan;
- ii. Kadar penyertaan wanita dalam tenaga buruh mencapai 60%; dan
- iii. Indeks Pembangunan Manusia di tangga 25 teratas dunia.

IKMa sebagai peneraju latihan dan bimbingan koperasi turut terlibat secara langsung dalam memastikan tiga penanda aras tersebut dapat dicapai. IKMa dari semasa ke semasa dengan penuh komited memberi bimbingan dan latihan dalam usaha melonjakkan pendapatan ahli koperasi. Antara program khas yang dibangunkan bagi tujuan ini adalah:

- i. Program Membangunkan Keusahawanan Koperasi (COOPBizpreneur);
- ii. Program Asas Perniagaan Koperasi (COOPBif);
- iii. Program Keusahawanan Sosial (SE); dan
- iv. Program Melonjakkan Pendapatan Koperasi (MiRiCle).

Peranan IKMa turut signifikan dalam memastikan sasaran jangka sederhana Ekonomi MADANI dapat dicapai melalui penanda aras Indeks Pembangunan Sumber Manusia melalui Pelan Tindakan Pembangunan Modal Insan Koperasi 2022-2025. Dengan bervisikan "Menjadi Pusat Kecemerlangan Pembangunan Modal Insan Koperasi Yang Unggul", IKMa berperanan merancang pembangunan latihan dan pendidikan modal insan koperasi termasuk menyelaras gerak kerja agensi dan pihak berkepentingan dalam memajukan anjakan modal insan koperasi di Malaysia.

IKMa berusaha memastikan pembelajaran sepanjang hayat menjadi budaya di kalangan modal insan koperasi. Hal ini seterusnya akan memperkukuh ekosistem pembangunan modal insan yang komprehensif bertunjangan jati diri koperasi. Dengan ekosistem modal insan yang kukuh, sumbangan gerakan koperasi kepada Ekonomi MADANI akan dapat diterjemahkan melalui kesejahteraan anggota koperasi khususnya dan masyarakat amnya.


Justeru, harapan kerajaan agar gerakan koperasi menjadi lebih maju, berdaya saing dan mampan dalam situasi pendigitalan ekonomi semasa akan dapat dilaksanakan dengan jayanya dengan penglibatan IKMa secara menyeluruh. Menyedari isu dan cabaran perubahan persekitaran sosioekonomi serta teknologi semasa, IKMa bersedia bersama dengan kerajaan untuk melonjakkan prestasi gerakan koperasi ke tahap yang lebih baik dan akhirnya turut membantu menyumbang kepada pertumbuhan ekonomi negara. Oleh itu, IKMa akan mengukuhkan bakat dan kualiti modal insan gerakan koperasi dengan menjadi pusat kecemerlangan bidang keusahawanan koperasi di Malaysia, rantau ASEAN dan Asia Pasifik.

IKMa, JCC Memeterai MoU Perkukuh Kerjasama Sainifik dan Teknikal

Zurita Mohd Salleh

zurita@ikma.edu.my

Pusat Antarabangsa



Majlis menandatangani MoU antara IKMa & JCC, disaksikan oleh YB Datuk Ewon Benedick, Menteri Pembangunan Usahawan & Koperasi & Tuan Yang Terutama Khaled Mousa Shehadeh Alhuneafat, Menteri Pertanian, Jordan.



Sesi pertukaran memorandum persefahaman MoU antara IKMa & JCC.

Menteri Pembangunan Usahawan dan Koperasi, YB Datuk Ewon Benedick yang mengetuai delegasi Malaysia pada 29 April 2024 telah mengadakan kunjungan hormat ke atas Menteri Pertanian Jordan, Tuan Yang Terutama Khaled Mousa Shehadeh Alhuneafat di Crowne Plaza Jordan - Dead Sea Resort & Spa. Kunjungan hormat tersebut diadakan bersempena program Persidangan Menteri-Menteri Koperasi peringkat Asia dan Pasifik yang ke-11 (11th *Asia-Pacific Co-operative Ministers' Conference- APCMC*) pada 28 hingga 30 April 2024 di Laut Mati, Jordan.

Program tersebut disusuli dengan majlis menandatangani Memorandum Persefahaman (MoU) antara Institut Koperasi Malaysia (IKMa) dengan Jordan Co-operative Corporation bersempena program Persidangan Menteri-Menteri Koperasi peringkat Asia dan Pasifik yang ke-11 pada hari ini. Pemeteraian MoU ini merealisasikan hasrat kedua-dua buah institusi ini untuk menggalakkan dan membangunkan modul latihan dan pendidikan serta aktiviti-aktiviti pembangunan kapasiti modal insan lain seperti pembangunan keupayaan dan kapasiti gerakan koperasi di kedua-

dua buah negara yang signifikan dan berorientasi keperluan semasa. Ini merupakan salah satu langkah yang bertujuan untuk memperkasakan kapasiti modal insan dalam kalangan kakitangan di organisasi pemegang taruh utama koperasi dan gerakan koperasi secara khususnya.

Signifikannya, inisiatif strategik ini sejajar dengan prinsip ESG (Persekitaran, Sosial dan Tadbir Urus) dan agenda Matlamat Pembangunan Mampan (SDG) 2030 khusus di bawah matlamat 4 iaitu latihan dan pendidikan berkualiti & inklusif dan matlamat 17 iaitu kerjasama demi matlamat. Tambahan lagi, inisiatif



Delegasi Malaysia & Jordan yang hadir sama dalam majlis menandatangani MoU bersempena berlangsungnya program Persidangan Menteri-Menteri Koperasi peringkat Asia dan Pasifik yang ke-11.

strategik ini sejajar dengan dasar-dasar semasa seperti Dasar Koperasi Malaysia (DaKoM 2030), Pelan Transformasi Koperasi Malaysia 2021-2025 (TransKoM 2021-2025) dan Pelan Tindakan Digitalisasi Koperasi (DigiKop 2030).

Antara skop kerjasama yang bakal dijalankan antara IKMa dengan JCC adalah pembangunan modul dan pelaksanaan program latihan dan pendidikan jangka pendek dan jangka panjang iaitu berdasarkan kepada objektif yang akan ditetapkan, pelaksanaan aktiviti penyelidikan dan perkongsian hasil kajian untuk dijadikan sebagai sumber rujukan oleh pemegang taruh dan koperasi, perkongsian kepakaran yang berorientasi keperluan serta pelaksanaan khidmat nasihat dan konsultasi. Kerjasama strategik antara IKMa dan JCC adalah berpaksikan kerjasama

strategik saintifik dan teknikal dalam bidang koperasi.

MoU tersebut telah ditandatangani oleh YBhg. Datuk Mohd Ali bin Mansor, Ketua Pengarah Institut Koperasi Malaysia dan Encik Abdelfattah Shalabi, Ketua Pengarah

Jordan Co-operative Corporation serta disaksikan oleh YB Datuk Ewon Benedick, Menteri Pembangunan Usahawan & Koperasi dan Tuan Yang Terutama Khaled Mousa Shehadeh Alhuneafat, Menteri Pertanian, Jordan.



Sesi taklimat berkaitan perjanjian persefahaman MoU oleh YBhg. Datuk Mohd Ali bin Mansor, Ketua Pengarah IKMa kepada YB Datuk Ewon Benedick, Menteri Pembangunan Usahawan & Koperasi sebelum majlis berlangsung.

International Co-operative Conference 2024

Nor Irzaq Nor Hamid

irzaq@ikma.edu.my
International Centre



ICC 2024 opening ceremony

A total of 170 participants from Malaysia, Brunei, Thailand, Indonesia, India, Philippines, South Korea, Japan and Australia attended the International Cooperative Conference 2024 (ICC 2024) took place on May 29-30, 2024, at The Everly Hotel, Putrajaya, Malaysia. The primary objectives of this program

were to discuss current issues and challenges faced by the cooperative movement and to explore and align initiatives with the Sustainable Development Goals (SDGs) collaboratively on an international level. The conference served as a platform for sharing knowledge, experiences, and exchanging views

related to the development of sustainable cooperatives in the era of disruptive technological innovation.

Day One: May 29, 2024

The conference commenced with an opening ceremony featuring a keynote speech by YBhg. Datuk Haji



Session One: Harnessing the Power of Cooperative Federation to Build Resilient Communities in the Disruptive Technology Era.



Session Two: Smart Agriculture for Smart Growth: Cooperative Principle.



Certificate of appreciation awarded to IKMa Strategic Partners.

Zazali bin Haron. He emphasized the importance of understanding the role of context in social entrepreneurship for developing effective strategies and policies to support and scale social entrepreneurial initiatives. YBhg. Datuk Haji Zazali bin Haron highlighted how social entrepreneurship in different regions, such as Latin America and Europe, is influenced by regional histories and traditions of community activism and cooperative organizations, respectively. He also provided insights into Malaysia's context, citing the Koperasi Komuniti Kampung Kilim Langkawi Berhad which aims to reduce poverty and uplift the socio-economic status of its members, primarily from lower-income groups.

Following the keynote, YB Dato' Ramanan Ramakrishnan, Deputy Minister of Entrepreneur and Cooperative Development, delivered the official opening speech. He stressed the ministry's role in

empowering digital transformation through the DIGIKOP 2030 initiative and urged cooperatives to remain sensitive to technological changes.

Mr. Edmund Cheong, Chief Strategy and Transformation Officer of the Social Security Organization (PERKESO), then presented a special session on "Leadership in the Age of Artificial Intelligence (AI)." He discussed the significant impact of AI technology on leadership and organizational transformation.

The seminar proceeded with the first session titled "Harnessing the Power of Cooperative Federations to Build Resilient Communities in the Disruptive Technology Era." YBhg. Datuk Haji Mohamad Ali Hasan moderated the session, with panelists including Mr. Tarmizi Mohd Nordin from Koperasi Ladang Berhad (KLB), Dr. Seunghwan Kim from the National Agriculture Cooperative Federation of Korea, and Mr. Nguyen Dong Hai from Saigon Co.op, Vietnam. The discussion focused on

the role of cooperative federations in supporting the cooperative sector within their respective countries.

The next session, "Smart Agriculture for Smart Growth: Cooperative Principles," was moderated by YBhg. Datuk Dr. Mohamad Roff bin Mohd Nor. The panelists, Mr. Hirofumi Kobayashi from the Institute for the Development of Agricultural Cooperation in Asia (IDACA), Japan, Mr. Rohan Clarke from Regen Farmers Mutual, Australia, and Mr. Setia Irawan from Al-Ittifaq Cooperative, Indonesia, shared various methods and strategies for empowering agricultural cooperatives to generate income.

Gala Dinner

In the evening, a gala dinner was organized to celebrate the participants of ICC 2024. The Director of IKMa, YBhg. Datuk Mohd Ali bin Mansor, delivered a speech expressing appreciation to the organizers and



The participants together with Mr. Balu Iyer Regional Director ICA-AP.

participants for their cooperation. The event featured a performance by the Waristari Dance troupe, and certificates of appreciation were presented to international speakers and participants to honor their contributions and commitment.

Day Two: 30 May 2024

The seminar continued on the second day with a session titled "Connecting Shariah Products to Shape a Sustainable Cooperative Future in the Era of Innovation," presented by Assoc. Prof. Dr. H. Muhammad Ridha Haykal Amal from Medan Area University, Indonesia. This was followed by Asst. Prof. Abdulrashid Chema from Cooperative Ibnu Affan Pattani, Thailand, presenting on

"Islamic Cooperative Movement in Thailand: Origin, Development, Future Perspectives." The session was moderated by Hajj Mohd Fazli bin Masri from Co-opbank Pertama.

The following forum session, "Shaping Cooperative Potential Growth in the Era of Disruptive Technology for Inclusive Sustainable Development," featured panelists Mr. Azizul bin Alias, Division Secretary of the Ministry of Entrepreneur and Cooperative Development (MECD), Mr. Balasubramanian (Balu) Iyer representing ICAP-AP, and Mr. Nasai inspiration from the Deputy Office of Cooperatives, Ministry of Cooperatives and SMEs of the Republic of Indonesia (KEMENKOP UKM). The session was moderated by YBhg. Tan Sri Dato' Sri Abu Kassim bin Mohamed from Koperasi Kebuniti Selangor Berhad.

The conference concluded with closing remarks titled "The Way Forward," delivered by Mr. Mohd Zaib bin Mat Yunus, Deputy Director-General of the Cooperative Institute of Malaysia (IKMa), who outlined the future directions and strategies for the cooperative movement.



Certificate of appreciation to Mr Hirofumi Kobayashi: Institute for the Development of Agricultural Cooperation in Asia (IDACA), Japan.



YBhg. Profesor Dato’ Dr Azali bin Mohamed menyampaikan maklumat ringkas berkaitan UKKM kepada YB Timbalan Menteri KUSKOP.



YB Timbalan Menteri bersama dif-dif kehormat selepas melancarkan Pelan Induk Pembangunan Sumber Manusia IKMa.

Lawatan Rasmi dan Majlis Taklimat IKMa kepada YB Timbalan Menteri KUSKOP

Nur Ain Azmira Abu Seman
 azmira@ikma.edu.my
 Unit Komunikasi Korporat

Sempena pelantikan Timbalan Menteri baharu Kementerian Pembangunan Usahawan dan Koperasi (KUSKOP), Institut Koperasi Malaysia (IKMa) sebagai salah satu agensi yang bernaung di bawah KUSKOP berbesar hati menerima lawatan rasmi daripada YB. Dato’ Ramanan Ramakrishnan, Timbalan Menteri Pembangunan Usahawan dan Koperasi (KUSKOP) pada 8 Februari 2024 dan seterusnya memberi taklimat ringkas berkenaan IKMa kepada YB Timbalan Menteri.

Pada hari yang sama, YB Timbalan Menteri turut bersama warga IKMa



YB. Dato’ Ramanan Ramakrishnan menyampaikan ucap terna sempena Majlis Perasmian Program Memasyarakatkan Koperasi Madani 2024.

dan beliau menyempurnakan Majlis Perasmian Program Memasyarakatkan Koperasi Madani 2024 serta melancarkan Pelan Induk Pembangunan Sumber Manusia IKMa 2024-2030 (PIPSM). Majlis ini turut dihadiri oleh Pengerusi Lembaga Pengarah (IKMa), YBhg. Tuan Haji Yahya bin Mat Sahri, Ketua Pengarah (IKMa), YBhg. Datuk Mohd Ali bin Mansor serta barisan pengurusan tertinggi (IKMa).

Sedikit maklumat berkenaan Pelancaran Pelan Induk Pembangunan Sumber Manusia (PIPSM) IKMa 2024-2030. Pelan ini merupakan sebuah pelan tindakan dalam merangka hala tuju Pengurusan Sumber Manusia, Institut Koperasi Malaysia (IKMa) dalam masa tujuh (7) tahun bermula 2024 hingga 2030. Pelan ini akan menjadi garis panduan dan rujukan utama bagi mencapai objektif organisasi sepertimana yang telah disasarkan.



YBhg. Datuk Mohd Ali bin Mansor menyampaikan taklimat kepada YB Timbalan Menteri KUSKOP.

Bagi menjayakan hala tuju pengurusan sumber manusia IKMa, PIPSM IKMa 2024-2030 telah menggariskan strategi dan pelan tindakan yang berasaskan kepada fungsi pengurusan sumber manusia itu sendiri. Empat strategi PIPSM

IKMa 2024-2030 adalah pementapan pembangunan organisasi, pembangunan kompetensi dan kepakaran tenaga kerja, pembudayaan kerja berprestasi tinggi dan pengukuhan pengurusan prestasi serta pengiktirafan.

Kakitangan IKMa dan dif-dif kehormat bergambar kenangan bersama YB. Dato' Ramanan Ramakrishnan.



Majlis Rumah Terbuka Aidilfitri IKMa dan Penyerahan Surat Tawaran Melanjutkan Pelajaran di UKKM

Nur Ain Azmira Abu Seman
azmira@ikma.edu.my
Unit Komunikasi Korporat



YB. Dato' Raman Ramakrishnan menyampaikan surat tawaran melanjutkan pengajian kepada bakal pelajar Ijazah Kedoktoran UKKM.

Bersempena bulan Syawal yang mulia, pada 18 April 2024 Institut Koperasi Malaysia (IKMa) telah menganjurkan Majlis Rumah Terbuka

Aidilfitri bertempat di Ibu Pejabat IKMa, Petaling Jaya.

Majlis yang disambut meriah ini telah diserikan lagi dengan kehadiran YB. Dato' Raman

Ramakhishnan selaku Timbalan Menteri Pembangunan Usahawan dan Koperasi (KUSKOP) serta YBhg. Dato' Sri Suriani binti Dato' Ahmad, Ketua Setiausaha KUSKOP.



YB Timbalan Menteri bersama bakal pelajar yang akan melanjutkan pelajaran ke peringkat Ijazah Kedoktoran (PhD) dan Ijazah Sarjana di Universiti Keusahawanan dan Koperasi Malaysia (UKKM).

“Koperasi ini bukan satu organisasi kecil. Seperti kita tahu, (di Malaysia) ada lebih 15,000 koperasi dengan mempunyai jumlah melebihi 7 juta ahli.”

YB DATUK RAMANAN
RAMAKRISHNAN

“Graduan PhD yang bakal dilahirkan mampu menyumbang kepada kemajuan koperasi di Malaysia.”

YB DATUK RAMANAN
RAMAKRISHNAN



YB Timbalan Menteri menyampaikan sumbangan kepada anak yatim daripada Rumah Anak Yatim Sentuhan Budi.

Dalam majlis ini, IKMa telah menyampaikan sumbangan kepada anak yatim daripada Rumah Anak Yatim Sentuhan Budi, Seksyen 14 dan dalam majlis yang sama, YB Timbalan Menteri telah menyampaikan surat tawaran melanjutkan pengajian kepada sembilan bakal pelajar Ijazah Kedoktoran (PhD) serta seramai 17 orang bakal pelajar turut menerima surat tawaran bagi melanjutkan pelajaran ke peringkat Ijazah Sarjana di Universiti Keusahawanan dan Koperasi Malaysia (UKKM).

Sementara itu, Naib Canselor UKKM, YBhg. Profesor Datuk Dr.

Azali bin Mohamed berkata, program PhD yang ditawarkan menggabungkan pembelajaran dari segi akademik dan juga praktikal untuk memastikan lebih ramai graduan berkualiti dapat dilahirkan.

Justeru, Majlis Rumah Terbuka IKMa kali ini dilihat bukan sahaja dapat merapatkan hubungan antara kakitangan IKMa malah mampu menjadi penyuntik semangat kepada warga IKMa untuk melanjutkan pelajaran ke peringkat yang lebih tinggi terutamanya dalam bidang keusahawanan dan koperasi.



Ketua Pengarah IKMa bergambar kenangan bersama kakitangan.



Dif-dif kehormat bergambar kenangan sempena Majlis Rumah Terbuka Aidilfitri IKMa 2024.



Zon Tengah

Rohalinda Ahad

rohalinda@ikma.edu.my

Institut Koperasi Malaysia Zon Tengah



Logo rasmi program MasKop MADANI 2024.

Pelaksanaan program Memasyarakatkan Koperasi MADANI (MasKop) IKMa peringkat Zon Tengah bagi tahun 2024 ini telah berlangsung dengan meriah pada 8 Februari 2024 dengan tiga majlis diadakan pada hari yang sama. Program MasKop yang diadakan secara tahunan ini telah diadakan di IKMa Petaling Jaya dan mendapat penyertaan seramai 313 orang tetamu dengan penglibatan sebanyak 137 buah koperasi di sekitar Selangor, Kuala Lumpur dan Negeri Sembilan.

Seperti tahun-tahun sebelumnya, pengisian program dimulakan dengan

sesi taklimat daripada IKMa berkaitan dengan jati diri koperasi, pencapaian IKMa pada 2023 dan perancangan program latihan bagi tahun 2024. Sesi berikutnya dilanjutkan dengan sesi forum yang bertemakan 'Pemeriksaan Koperasi melalui Dasar Koperasi Malaysia 2030 (DaKoM 2030)'. Puan Noranita binti Mohd Nor iaitu Pengarah Pusat Pengurusan Perniagaan, IKMa telah bertindak sebagai moderator sesi. Ahli panel forum pula terdiri daripada Puan Najmah binti Nawawi, Pengarah Kanan Pembangunan dan Perundingan Koperasi, IKMa, Puan Noor Azlin binti Adnan, Timbalan

Setiasaha Bahagian Pembangunan Koperasi, Penjaja dan Peniaga Kecil Kementerian Pembangunan Usahawan dan Koperasi, YBhg. Datin Dr. Romaizah binti Abd Kadir, Timbalan Pengarah Bahagian Dasar dan Perancangan Pembangunan, Suruhanjaya Koperasi Malaysia dan Encik Tun Yazli Hismul Asri bin Yaacob, Naib Presiden Kanan, PMKS & Koperasi, Bank Kerjasama Rakyat Malaysia.

Majlis ini mendapat kunjungan hormat daripada YB Dato' Ramanan Ramakrishnan Timbalan Menteri, Pembangunan Usahawan dan Koperasi (KUSKOP) yang merasmikan



Ucapan perasmian oleh YB Dato' Raman Ramakrishnan, Timbalan Menteri Pembangunan Usahawan & Koperasi.



Taklimat daripada IKMa oleh Encik Shamsul Khairi bin Abu Hassan.

program penutupan MasKop dan diraikan dengan penyampaian ucapan aluan oleh YBrs. Tuan Haji Mohd Yahya bin Haji Mat Sahri selaku Pengerusi Lembaga Pengarah IKMa. Sebaik ucapan perasmian disampaikan, gimik pelancaran logo baharu program MASKOP MADANI IKMa telah disempurnakan. Pelancaran ini membuktikan komitmen IKMa dalam memberi pendidikan dan latihan dalam pelbagai platform termasuk program turun padang bagi menarik minat masyarakat bersama dalam satu gerakan bersama yang dikenali

sebagai koperasi tanpa mengira lapisan masyarakat, fahaman agama, komuniti dan lokaliti. Serentak dengan itu juga, Pelan Induk Pembangunan Sumber Manusia IKMa 2024-2030 iaitu merupakan sebuah pelan tindakan dalam merangka hala tuju Pengurusan Sumber Manusia IKMa dalam masa tujuh tahun bermula 2024 hingga 2030.

Sebelum menutup tirai, YB Timbalan Menteri bersama tetamu yang hadir telah berkunjung ke ruang reruai yang disertai oleh sebanyak 11 pempamer yang terdiri daripada pihak SKM, ANGKASA, Bank Rakyat,

Coopbank Pertama, KOIKMa, Puspanita IKMa, Rakyat Trustee, UKKM, Koperasi Konsortium Wanita Malaysia, KWSP dan Koperasi Alumni Institut Kemahiran MARA (KOP. KALAM).

Secara keseluruhannya, program berjalan dengan baik dan mendapat maklum balas yang sangat positif daripada para peserta yang berpandangan program ini sangat relevan dan signifikan dari segi pendedahan terbaru program kursus di IKMa dan kupasan panel-panel forum yang jelas dan sangat bermanfaat kepada gerakan koperasi.



Sesi forum bersama ahli panel daripada IKMa, KUSKOP, SKM & Bank Rakyat.



Lawatan ke tapak pameran oleh YB TM bersama koperasi.



Sesi temu bual Pengarah IKMa Sabah bersama media.



Peserta hadir MasKop 2024 di Hotel Promenade Kota Kinabalu Sabah.

Zon Sabah

Ridzuan Saudi

ridzuan@ikma.edu.my

Institut Koperasi Malaysia Zon Sabah

Program Memasyarakatkan Koperasi MADANI (MasKop MADANI) telah diadakan pada 23 Januari 2024 bertempat di Hotel Promenade Kota Kinabalu, Sabah. Sambutan program ini sangat menggalakkan dengan kehadiran 120 peserta, yang terdiri daripada anggota koperasi, usahawan, agensi kerajaan, dan orang awam dari seluruh Sabah.

MasKop adalah program tahunan anjuran Institut Koperasi Malaysia (IKMa) yang bertujuan memberikan informasi berkenaan program latihan sepanjang tahun 2024 yang akan dijalankan oleh IKMa. Selain itu, program ini juga bertujuan untuk berkongsi maklumat bersama agensi di bawah Kementerian Pembangunan Usahawan dan Koperasi (KUSKOP)

serta perkongsian pengalaman dari koperasi.

Program MasKop dibahagikan kepada tiga sesi utama. Sesi pertama dimulakan dengan ceramah bertajuk "Jati Diri Koperasi" yang disampaikan oleh Puan Norawati binti Ngatmin, Pegawai Latihan Kanan IKMa Zon Sabah dan taklimat Program Latihan IKMa 2024 yang disampaikan oleh

Sesi bergambar bersama para peserta program MasKop.



Encik Yusri bin Tarip, Timbalan Pengarah IKMa Zon Sabah.

Sesi kedua diisi dengan taklimat dari Bank Kerjasama Rakyat Malaysia Berhad (Bank Rakyat) iaitu Encik Shamsuri, Pegawai Bank Rakyat, menyampaikan maklumat tentang produk pembiayaan Bank Rakyat yang khusus untuk koperasi. Sesi terakhir menampilkan perkongsian pengalaman pembangunan koperasi bersama agensi di bawah KUSKOP, dengan penampilan Koperasi Kraf Batu Lunguyan Sook Berhad dari daerah Keningau, Sabah. Puan Renny, Ahli Lembaga Koperasi, berkongsi kisah kejayaan, cabaran, serta isu yang dihadapi oleh koperasi dalam menjalankan perniagaan kraf tangan menggunakan produk berasaskan buluh.

Majlis perasmian program MasKop disempurnakan oleh Encik Christopher John Baptist, Pengarah IKMa Zon Sabah. Dalam ucapan perasmian, beliau menyeru para koperator untuk mengambil peluang menghadiri program latihan yang ditawarkan



Taklimat daripada Koperasi Kraf Batu Lunguyan Sook Berhad.

oleh IKMa untuk meningkatkan pengetahuan dan kemahiran Ahli Lembaga Koperasi. Program ini turut dihadiri oleh agensi-agensi di bawah KUSKOP seperti Suruhanjaya Koperasi Malaysia, Amanah Ikhtiar Malaysia, SME Corp, Tekun Nasional, Perbadanan Nasional Berhad, Bank Rakyat, Pusat Khidmat Kontraktor dan ANGKASA.

Secara keseluruhannya, matlamat dan objektif penganjuran

program MasKop tercapai dengan jayanya. Kehadiran peserta yang ramai menunjukkan sokongan dan keyakinan anggota koperasi terhadap IKMa sebagai pusat latihan dan pendidikan koperasi. Program ini bukan sahaja memberi manfaat kepada peserta dari segi pengetahuan tetapi juga memperkukuhkan jaringan kerjasama antara koperasi dan agensi-agensi kerajaan.



Taklimat daripada pegawai Bank Rakyat.



Taklimat daripada Pegawai Latihan IKMa Sabah.

Zon Sabah (Cawangan Tawau)

Mohammad Pisah Ali
pisah@ikma.edu.my

Mohd Alzaery Abdul
alzaery@ikma.edu.my
Institut Koperasi Malaysia Zon Sabah (Cawangan Tawau)



Kedatangan perasmii, Encik Mohd Zaib Mat Yunus, TKP(PMI) IKMa bersama dif-dif jemputan ke Majlis Perasmian Program MasKop MADANI 2024.

Institut Koperasi Malaysia (IKMa) Zon Sabah (Cawangan Tawau) telah mengadakan Program MasKop MADANI 2024 bertempat di Hotel Royale Borneo Tawau, Sabah pada 27 Januari 2024. Program ini merupakan inisiatif IKMa untuk turun padang dan bersemuka dengan anggota koperasi, usahawan dan orang awam bagi menerangkan fungsi dan peranan

IKMa dalam memacu perkembangan modal insan gerakan koperasi.

Program MasKop MADANI yang diadakan ini merupakan satu-satunya program turun padang yang diadakan di kawasan Pantai Timur Sabah. Seramai 132 orang peserta telah hadir ke program ini, bukan sahaja dari daerah Tawau malah turut dihadiri oleh peserta dari daerah lain

seperti Kunak, Semporna, Kalabakan dan Sandakan.

Selaku pihak penganjur, IKMA Cawangan Tawau telah membawakan beberapa pengisian menarik dalam program ini. Sesi pertama ialah taklimat program latihan IKMa 2024 yang disampaikan oleh Encik Mohammad Pisah bin Ali, Ketua Cawangan Tawau. Seterusnya sesi



Encik Mohammad Pisah Ali, Ketua Cawangan IKMa Zon Sabah Cawangan Tawau menyampaikan taklimat program latihan IKMa 2024.



Usahawan koperasi dari luar daerah Tawau turut hadir ke program MasKop MADANI 2024.



Encik Ahmad Salihen Mohd Helmi, Pengurus Eksekutif Koperasi berkongsi rahsia kejayaan koperasi mereka.



Puan Yusmaaniza Mat Yusof, Pengurus Pembangunan Perniagaan Koperasi berkongsi perjalanan jatuh bangun koperasi mereka.



Puan Khodijah Sunardi, Penolong Pengarah SKM Wilayah Tawau menyampaikan taklimat berkenaan Peranan SKM dalam Memasyarakatkan Koperasi.

perkongsian pengalaman koperasi bimbingan IKMa, iaitu Koperasi Pembangunan Tanah Sungei Kalayak Sabah Berhad. Ceramah ini bertujuan untuk memberi suntikan semangat kepada para peserta yang hadir bagi mengembangkan lagi perniagaan koperasi mereka. Perkongsian ini telah disampaikan oleh Encik Ahmad Salihen bin Mohd Helmi, Pengurus Eksekutif Koperasi dan Puan Yusmaaniza binti Mat Yusof, Pengurus Pembangunan Perniagaan Koperasi Sungei Kalayak Sabah Berhad.

Selain itu, ceramah berkaitan dengan transformasi digitalisasi dalam gerakan koperasi juga turut diadakan

bagi memastikan koperasi di daerah Tawau tidak ketinggalan dengan pembangunan dunia perniagaan masa kini dalam mengadaptasikan konsep digitalisasi. Sesi ini telah dikongsi oleh Encik Ahmad Faiz bin Yatim, Pegawai Latihan Kanan dari Unit Transformasi Digital dan Kecerdasan Buatan (AI), IKMa Petaling Jaya.

Sesi seterusnya adalah perkongsian daripada rakan agensi iaitu Suruhanjaya Koperasi Malaysia (SKM) berkaitan dengan peranan suruhanjaya dalam memasyarakatkan koperasi melalui geran bantuan dan pembiayaan yang disediakan.

Taklimat ini telah disampaikan oleh Puan Khodijah binti Sunardi, Penolong Pengarah SKM Wilayah Tawau.

Secara keseluruhan, program yang padat dengan maklumat ini amat bertepatan dengan keperluan koperasi dan usahawan untuk mendapatkan informasi penting berkaitan inisiatif serta program pembangunan yang ditawarkan IKMa sepanjang tahun 2024. Program ini diakhiri dengan majlis perasmian yang telah disempurnakan oleh Encik Mohd Zaib bin Mat Yunus selaku Timbalan Ketua Pengarah Pembangunan Modal Insan IKMa.

Gambar kenang-kenangan bersama 132 orang peserta yang hadir dalam program MasKop MADANI anjuran IKMa Cawangan Tawau.





YB Tuan Mohd Hairi bergambar bersama agensi dan koperator yang hadir program MasKop.

Zon Selatan

Adila Hashim

adila@ikma.edu.my

Institut Koperasi Malaysia Zon Selatan

Institut Koperasi Malaysia (IKMa) Zon Selatan dengan kerjasama Bank Rakyat telah menganjurkan Program Memasyarakatkan Koperasi MADANI (MasKop MADANI) 2024 bertempat di Hotel Grand Paragon, Johor Bahru pada 5 Februari 2024 yang lalu. Seramai 152 orang peserta yang terdiri daripada Anggota Lembaga Koperasi (ALK) dan anggota koperasi sekitar negeri Johor dan Melaka telah menghadiri program pada kali ini.

Objektif program MasKop ini adalah meningkatkan kefahaman koperator berkenaan jati diri koperasi dan penerangan program latihan IKMa bagi tahun 2024.

Pengisian program MasKop telah dimulakan dengan sesi Taklimat Jati Diri Koperasi yang disampaikan oleh Encik Hafizal bin Abu Bakar iaitu Pengarah IKMa Zon Selatan dan diikuti dengan sesi taklimat IKMa berkenaan

pencapaian program IKMa 2023 dan program latihan IKMa 2024 yang disampaikan oleh Puan Afizah binti Abdul Jalal iaitu Timbalan Pengarah IKMa Zon Selatan. Selain itu, Suruhanjaya Koperasi Malaysia (SKM), ANGKASA dan Bank Rakyat turut memberi taklimat berkenaan bantuan yang disediakan dan program yang bakal dijalankan sepanjang tahun 2024 untuk pembangunan gerakan koperasi.



Majlis Penyerahan Sijil Graduasi MiRiCLe Zon Selatan.

Program ini telah dirasmikan oleh YB Tuan Mohd Hairi bin Mad Shah, Pengerusi Jawatankuasa Belia, Sukan, Pembangunan Usahawan, Koperasi dan Sumber Manusia Negeri Johor. Dalam ucapan perasmian yang telah disampaikan, beliau menyeru agar program seperti ini dapat

dijalankan dengan lebih kerap lagi dan berharap para koperator dapat mengambil peluang yang ditawarkan agar koperasi dapat menjadi lebih berdaya saing dan maju. Beliau juga telah menyampaikan sijil graduasi program MiRiCLe Zon Selatan kepada Koperasi Felda Bukit Batu Kulaijaya

Berhad, Koperasi MRSM Alor Gajah Melaka Berhad dan Koperasi MRSM Tun Ghafar Baba Melaka Berhad. Turut hadir Puan Najmah binti Nawawi, Pengarah Kanan Bahagian Pembangunan dan Perundingan Koperasi, IKMa Ibu Pejabat yang telah menyampaikan ucapan alu-aluan dalam majlis perasmian penutup program ini. Turut hadir dalam program ini ialah Pengarah SKM Negeri Johor iaitu Encik Mahzan bin Nordin, Tuan Haji Sazali bin Abd Hamid iaitu Pengerusi Jawatankuasa Perhubungan ANGKASA Negeri Johor dan Encik Norhisham bin Md Ali iaitu Ketua Wilayah Johor Bank Rakyat.

Sebagai rumusan, diharap program ini dapat membantu koperator untuk merancang keperluan latihan dan bimbingan yang diperlukan untuk perancangan pembangunan modal insan koperasi.



YB Tuan Mohd Hairi bersama kakitangan IKMa Zon Selatan.

Zon Sarawak

Nur Fatin Shazwani Ahmad
nurfatinshazwani@ikma.edu.my
Institut Koperasi Malaysia Zon Sarawak

Para peserta tekun mendengarkan taklimat yang disampaikan oleh para penceramah jemputan.



Sesi bergambar kenangan bersama barisan penerima Sijil Penghargaan Penyertaan MiRiCLe.

Program Memasyarakatkan Koperasi MADANI (MasKop MADANI) Kuching 2024 telah diadakan pada 31 Januari 2024 di Borneo Convention Centre Kuching (BCCK). Kuching merupakan destinasi pembukaan bagi program MasKop, anjuran Institut Koperasi Malaysia

(IKMa) Zon Sarawak. Kehadiran seramai 177 orang peserta dalam kalangan Anggota Lembaga Koperasi (ALK), kakitangan pengurusan dan anggota koperasi di bahagian Kuching dan kawasan sekitarnya. Turut hadir ialah kakitangan jabatan dan agensi kerajaan serta ketua

kaum dan ketua masyarakat yang berpejabat dan tinggal di sekitar bandar Kuching.

Program MasKop yang diadakan saban tahun ini bertujuan untuk memberi pendedahan tentang koperasi kepada kalangan masyarakat yang hadir di samping

memperkenalkan program latihan dan pendidikan koperasi yang dianjurkan oleh IKMa secara keseluruhannya dan IKMa Zon Sarawak khususnya selain memperkenalkan peranan agensi kerajaan di bawah Kementerian Pembangunan Usahawan dan Koperasi (KUSKOP). Selain itu, perkongsian maklumat daripada pihak SME Corp. Malaysia Cawangan Sarawak berkaitan memperkasakan Perusahaan Mikro Kecil Sederhana (PMKS) melalui penerapan *Environmental Social Governance (ESG)*.

Program bermula seawal jam 9.00 pagi dimulakan dengan sesi pembentangan taklimat daripada pegawai IKMa sendiri berkenaan pencapaian program pembangunan modal insan koperasi serta perancangan 2024 dan disusuli dengan taklimat daripada pihak Suruhanjaya Koperasi Malaysia (SKM) berkenaan strategi SKM dalam memantapkan ekonomi gerakan koperasi. Selain itu, taklimat daripada pihak ANGKASA berkenaan

melestarikan ekonomi koperasi melalui ANGKASA (*APEX Body*). Taklimat terakhir pula disampaikan oleh pihak Bank Rakyat berkaitan beberapa inisiatif pembangunan perniagaan koperasi terutamanya dalam bentuk pembiayaan. Turut diadakan juga satu sesi soal jawab bersama barisan panel penceramah untuk menjawab segala pertanyaan dan kemusykilan yang diajukan oleh peserta program.

Sesi perkongsian maklumat seterusnya adalah sesi perkongsian maklumat daripada pihak SME Corp. Kali ini IKMa membawakan informasi berkaitan dengan pemerksaan Perusahaan Mikro Kecil Sederhana (PMKS) melalui penerapan *Environmental Social Governance (ESG)* yang telah disampaikan oleh Puan Julykristin Poly, Pengarah Negeri SME Corp. Malaysia Cawangan Sarawak.

Majlis perasmian program MasKop telah disempurnakan oleh YB Datuk Willie anak Mongin, Ahli Lembaga Pengarah Institut Koperasi

Malaysia merangkap Ahli Parlimen P-198 Puncak Borneo. Dalam majlis perasmian ini juga menyaksikan sesi serahan Sijil Penghargaan Penyertaan MiRiCLe kepada tiga buah koperasi iaitu Koperasi Usahawan Gading Mekar Lundu Berhad, Koperasi Kampung Stass Bau Berhad dan Koperasi Sri Muara Kuching Berhad.

Secara keseluruhannya, program MasKop pada kali ini dilihat berjaya mencapai objektif penganjurannya. Kehadiran peserta yang melebihi sasaran yang ditetapkan mempamerkan bahu sokongan dan komitmen warga koperasi yang semakin cakna ilmu berkaitan koperasi. Diharap melalui penganjuran program seumpama ini dapat diteruskan dan menjadi wadah percambahan ilmu yang berkesan dalam melahirkan koperator dan usahawan yang berjaya dalam bidang perniagaan yang diceburi sekali gus membawa kepada peningkatan sumbangan gerakan koperasi dalam ekonomi negara.

Sesi bergambar kenangan bersama sebahagian para peserta program yang hadir.





MasKop Madani 2024 berlangsung di Eastwood Valley Golf & Country Club Resort, Miri dimeriahkan dengan kehadiran seramai 169 orang peserta yang terdiri daripada para koperator, ketua masyarakat, usahawan dan agensi-agensi kerajaan.

Zon Sarawak (Cawangan Miri)

Emmy Polly

emmy@ikma.edu.my

Institut Koperasi Malaysia Zon Sarawak (Cawangan Miri)

Program Memasyarakatkan Koperasi MADANI (MasKop MADANI) anjuran Institut Koperasi Malaysia (IKMa) Zon Sarawak (Cawangan Miri) telah diadakan pada 6 Februari 2024 yang lalu di Eastwood Valley Golf & Country Club Resort Miri, Sarawak. Program tersebut membuka tirai bagi program-

program yang akan dilaksanakan dan dianjurkan oleh IKMa. Objektif utama program ini adalah memberi informasi kepada koperasi-koperasi dalam merebut peluang tahun 2024 dari segi latihan, perniagaan dan ekonomi. Program ini juga bertujuan untuk menyebarkan maklumat mengenai

bantuan dan sokongan oleh agensi dan organisasi di bawah Kementerian Pembangunan Usahawan dan Koperasi (KUSKOP) dalam menjayakan dasar negara termasuklah Dasar Koperasi Malaysia 2030 (DaKoM 2030) dan Pelan Transformasi Koperasi Malaysia 2021 – 2025 (TransKoM).

Program tersebut telah dimeriahkan oleh kehadiran 169 orang peserta. Peserta terdiri daripada 108 orang warga koperator dari Miri, Bintulu, Limbang dan Lawas dan 61 penyertaan daripada ketua masyarakat dan JKKK Kampung, individu, usahawan serta agensi. Pameran daripada agensi-agensi di bawah KUSKOP seperti Suruhanjaya Koperasi Malaysia (SKM), IKMa Cawangan Miri dan TEKUN turut diadakan. Pameran oleh rakan-rakan strategik koperasi juga turut terlibat seperti Bank Rakyat, Co-op Bank Pertama Malaysia Berhad Cawangan Miri dan Angkatan Koperasi Kebangsaan Malaysia (ANGKASA) Negeri Sarawak. Sebanyak sembilan buah reruai jualan telah disertai oleh para koperasi dan usahawan dengan

menjual produk berasaskan pertanian, kraf tangan dan perkhidmatan kredit.

Program dimulakan dengan sesi forum yang dikendalikan oleh Encik Frank Me-ol selaku moderator bersama tiga orang panel forum. Taklimat pertama bertajuk “Pencapaian Program Pembangunan Modal Insan Koperasi 2023 & Perancangan 2024” disampaikan oleh Puan Syarifah Rohaya binti Wan Idris (Ketua Cawangan, IKMa Cawangan Miri). Pada tahun 2023, IKMa telah menjalankan 836 program secara keseluruhannya dan telah disertai oleh 38,961 peserta. Di peringkat IKMa Zon Sarawak pula telah menjalankan 99 program disertai oleh 5,684 peserta. Program tersebut merangkumi 32 Program Pembangunan Kepimpinan

Koperasi (PIMPIN), 15 Program Asas Perniagaan Koperasi (COOPBif), 36 Bimbingan Bersasar, 5 Program Belia dan Masyarakat dan 11 Anjuran Bersama. Bagi tahun 2024, IKMa telah merancang sebanyak 570 program merangkumi 258 Program PIMPIN, 226 Program COOPBif, 15 Bimbingan Bersasar dan 31 Program Belia dan Masyarakat. Di peringkat IKMa Zon Sarawak, sebanyak 70 program dirancang dengan menyasarkan sebanyak 2,450 peserta. Program PIMPIN merangkumi 25 program meliputi 25 Wajib Asas dan 6 Wajib Plus. Selain itu, Program COOPBif sebanyak 25 Program Pengurusan dan Pentadbiran termasuk Seminar dan Bicara Ilmu serta 14 Program Bimbingan Koperasi Bersasar.



IKMa Cawangan Miri bersama-sama agensi di bawah KUSKOP dan rakan strategik koperasi mengadakan pameran untuk memberi informasi berkenaan dengan program dan kemudahan yang disediakan kepada koperasi.



YBhg. Datuk Mohd Ali bin Mansor merakamkan kenangan bersama-sama dengan semua peserta semasa akhir majlis.

Taklimat kedua mengupas topik “Tadbir Urus Baik Demi Kelestarian Ekonomi Koperasi” bersama Encik Ismadi bin Yusuf (Penolong Pegawai Ehwal Ekonomi Tinggi, SKM Bahagian Miri). Di dalam taklimat tersebut, Encik Ismadi menekankan tentang kepentingan untuk koperator mengetahui dan memahami undang-undang, peraturan dan garis panduan di dalam berkoperasi. Kemudian, perihal pentingnya pengetahuan dalam pengurusan kewangan koperasi agar dapat mengurus kewangan dan perniagaan dengan baik. Beliau juga menyeru agar koperasi-koperasi di Miri memberi komitmen dalam aktiviti mereka dan menjalankan perniagaan koperasi sepenuh masa. Manakala, dalam taklimat ketiga, Encik George Aiman Milin,



Sesi forum dibarisi oleh tiga orang panel pembentang daripada IKMa, SKM dan ANGKASA manakala bicara ilmu disampaikan oleh Encik Faiz bin Ahmad Yatim, Pegawai Latihan Kanan IKMa.

Pengurus Kanan ANGKASA Negeri Sarawak menerangkan tentang Pelan Strategik Angkasa 2017- 2050 dan program yang telah dijalankan serta mempromosikan program yang akan dijalankan pada tahun ini di peringkat negeri Sarawak. Sesi tersebut telah berlangsung selama dua jam setengah disusuli sesi soal jawab di akhir sesi.

Pada sesi Bicara Ilmu, Encik Faiz bin Ahmad Yatim, Pegawai Latihan Kanan, IKMa telah menyampaikan ceramah bertajuk “Meningkatkan Keupayaan Perniagaan Koperasi melalui Agenda DigiKop2030”. Beliau menyarankan agar koperasi mengadaptasikan teknologi maklumat dan saluran media sosial untuk menjalankan aktiviti promosi dan perniagaan. Koperasi disarankan mendigitalisasikan pengurusan dan perniagaan koperasi kerana impaknya bagi meningkatkan kecekapan

pengurusan dan keupayaan perniagaan. Di Miri, beliau telah menjalankan konsultasi kepada tiga buah koperasi yang telah memohon iaitu Koperasi IKRAM Miri Berhad, Koperasi Kampung Kuala Sibuti Miri Berhad serta Koperasi Keluarga Hj. Adaham dan Hj. Maria Miri Berhad untuk sistem perakaunan dan keahlian koperasi.

Ketua Pengarah Institut Koperasi Malaysia, YBhg. Datuk Mohd Ali bin Mansor telah menyampaikan ucapan perasmian pada majlis penutupan program tersebut. Beliau menyeru agar koperasi terus membangun daripada peringkat kecil kepada sederhana dan sederhana kepada berskala besar agar sektor koperasi terus kukuh di Malaysia. Kemudian, penyampaian sijil penghargaan penyertaan program MiRiCLE 2022/2023 telah disampaikan kepada Koperasi Kariah Masjid Darul Hana

Lambir Berhad. Program tersebut berakhir dengan kunjungan Datuk Mohd Ali, dif-dif jemputan serta para peserta ke pameran agensi dan reruai jualan sebelum makan tengah hari.

Keseluruhannya, program ini telah berlangsung dengan jayanya. Di akhir program, peserta-peserta program mendapat maklumat berkaitan dengan peranan serta program-program yang diadakan oleh IKMa khususnya di Sarawak dan Cawangan Miri. Melalui sesi forum yang diadakan, peserta-peserta mendapat informasi berkenaan dengan fungsi serta kemudahan yang disediakan oleh SKM dan juga ANGKASA Negeri Sarawak. Pameran agensi yang diadakan mendekatkan koperasi-koperasi kepada agensi-agensi dan rakan strategik koperasi yang terlibat berkenaan sokongan dan bantuan yang ditawarkan semasa program ini berlangsung.



Penyampaian sijil penghargaan penyertaan program Miricle 2022/2023 kepada Hj. Arabi bin Hj. Diwet, wakil Koperasi Kariah Masjid Darul Hana Lambir Berhad.



Sesi bergambar YBhg. Tan Sri Dato' Sri Haji Azam bin Baki dan tetamu jemputan bersama para peserta program seminar.

Seminar Governan Koperasi: Penguatan Integriti ke Arah Kelestarian Koperasi

Muhamad Shafiq Mohd Noor

shafiq@ikma.edu.my

Pusat Pembangunan Koperasi

Pusat Pembangunan Koperasi (PPK), Institut Koperasi Malaysia (IKMa) telah menganjurkan Seminar Governan Koperasi: Penguatan Integriti ke Arah Kelestarian Koperasi pada 30 Januari 2024 bertempat di Hotel Dorsett, Putrajaya. Objektif program ini adalah memperkasakan tadbir urus koperasi dalam kalangan Anggota Lembaga Koperasi (ALK), pengurusan koperasi dan anggota dalam mengawal dan mengurus risiko. Program ini juga bertujuan untuk memperkukuh peranan dan tatacara pengoperasian koperasi yang baik melalui perkongsian koperasi yang berjaya serta meningkatkan nilai integriti dalam kalangan Anggota Lembaga, pengurusan koperasi dan anggota koperasi.

Program seminar ini merupakan rentetan daripada kunjungan hormat

IKMa ke Pejabat Ketua Pesuruhjaya SPRM, YBhg. Tan Sri Dato' Sri Haji Azam bin Baki di Ibu Pejabat SPRM. Pertemuan selama lebih satu jam ini telah membuahkan hasil kerjasama yang proaktif apabila SPRM bersetuju untuk berkolaborasi bersama IKMa dalam penganjuran program-program berkaitan antirasuah.

Sesi pertama pembentangan bertajuk "Integriti dalam Koperasi: Amalan vs Peraturan" telah disampaikan oleh Encik Muhd Firdaus bin Ismail dari Suruhanjaya Koperasi Malaysia (SKM). Beliau telah berkongsi mengenai isu-isu integriti dalam koperasi, tindakan yang boleh diambil oleh Suruhanjaya, contoh-contoh kesalahan lazim yang dilakukan oleh koperasi dan kaedah yang baik untuk membina integriti dalam koperasi. Rumusan daripada pembentangan

tersebut adalah pemantapan integriti dalam koperasi amat penting dalam usaha meningkatkan prestasi dan daya saing koperasi. Sesi seterusnya adalah berbentuk forum yang menampilkan panel daripada SPRM yang diwakili oleh Encik Samsul bin Salip dan Koperasi Angkatan Tentera Malaysia Berhad (KATMB) diwakili oleh Encik Ahmad Suhaimi bin Saad bagi membincangkan topik penguatan integriti ke arah kelestarian koperasi. Panel SPRM menerangkan fungsi utama SPRM dan jenis-jenis rasuah dan kesalahan rasuah yang boleh dikenakan.

Selain itu juga, penerangan tentang pelaksanaan Seksyen 17A, Akta SPRM 2009 mengenai liabiliti korporat sekiranya didapati bersalah dan menggariskan beberapa langkah bagi mengukuhkan tadbir



Ucapan perasmian penutupan program oleh YBhg. Tan Sri Dato' Sri Haji Azam bin Baki, Ketua Pesuruhjaya SPRM.



Pelancaran Kod Etika Perniagaan IKMa.

urus koperasi turut dikongsikan. Manakala, panel KATMB pula berkongsi pengalaman bagaimana koperasi membuat pelan tindakan kawal selia antirasuah dan program kesedaran antirasuah dalam koperasi meliputi semua anggota serta kakitangan pengurusan koperasi. Tambahan, KATMB juga telah mengadakan program Ikrar Bebas Rasuah (IBR) untuk semua kakitangan koperasi dan disaksikan oleh SPRM. Bagi sesi yang terakhir pula bersama Tuan Mohd Zaharudeen bin Harun daripada Zaharudeen Law

Chamber yang banyak berkongsi kes melibatkan rasuah termasuk kes atau siasatan berkaitan koperasi. Seminar ini telah disempurnakan oleh YBhg. Tan Sri Dato' Sri Haji Azam bin Baki dalam sesi perasmian penutupan program.

Kesimpulannya, tadbir urus merupakan satu indikator dalam sesebuah organisasi bagi menunjukkan ketelusan, amanah dan integriti dalam pengurusan pentadbiran yang baik tanpa ada unsur-unsur ketidakpatuhan yang boleh menyebabkan berlakunya

salah laku dan elemen rasuah. Amalan tadbir urus yang baik dan berintegriti dapat memastikan tadbir urus dalam gerakan koperasi dapat dilaksanakan dengan telus dan dapat mencegah berlakunya penyelewengan, salah guna kuasa dan ketidakpatuhan Akta Koperasi Malaysia 1993 (Akta 502). Diharapkan melalui seminar ini, pemerkasaan tadbir urus koperasi akan dapat merealisasikan bidang tujuhan ke-2 TransKoM iaitu Pemantapan Sistem Perundangan dan Struktur Governan khususnya dalam sektor koperasi.



Sesi Forum: Puan Nasibah binti Ahmad (Moderator IKMa), Encik Samsul bin Salip (SPRM) dan Encik Ahmad Suhaimi bin Saad.



Urus setia program, Pusat Pembangunan Koperasi (PPK).



Ucapan perasmian oleh YB Tuan Onn bin Abu Bakar, Pengerusi Lembaga Pengarah IKMa.



Ucapan oleh Encik Azizul bin Alias, Setiausaha Bahagian Pembangunan Koperasi, Penjaja dan Peniaga Kecil KUSKOP mengenai harapan pihak KUSKOP agar penyelidikan koperasi dapat dimanfaatkan bagi membantu pembangunan dasar-dasar di peringkat kementerian.

Sektor Koperasi Wahana Pembangunan Sosioekonomi

Norul Hayatie Hashim
hayatie@ikma.edu.my
Pusat Penyelidikan


IKMa merupakan satu-satunya pusat latihan koperasi yang menjadi rujukan kepada gerakan koperasi di negara ini. Penyelidikan merupakan faktor terpenting dalam menjadikan sesebuah institusi sebagai satu badan yang dinamik, progresif dan inovatif. IKMa sentiasa komited dalam usaha memperkasakan bidang penyelidikan

yang berimpak dan berkualiti bagi memenuhi keperluan serta permintaan gerakan koperasi dan pemegang taruh. Penyelidikan yang dilaksanakan merupakan satu usaha memantapkan IKMa untuk menyediakan tenaga pakar dan para ilmuwan dalam pelbagai bidang berkaitan pengurusan dan pentadbiran koperasi.

Penganjuran seminar penyelidikan koperasi pada tahun ini telah diadakan pada 23 Mei 2024 di Dewan Auditorium Dato' Abdul Majid, IKMa Petaling Jaya, dengan tema "Sektor Koperasi Wahana Pembangunan Sosioekonomi". Objektif utama seminar ini adalah memberikan

YB Tuan Onn bin Abu Bakar, Pengerusi Lembaga Pengarah IKMa merakamkan gambar kenangan bersama tetamu jemputan dan para peserta Seminar Penyelidikan Koperasi 2024.





Sesi pembentangan oleh para penyelidik.

platform kepada penyelidik berkongsi pengalaman dan hasil kajian, menjalinkan kerjasama yang lebih utuh dalam kalangan penyelidik universiti/agensy/individu yang menjalankan penyelidikan berkaitan gerakan koperasi, memperoleh idea-idea baharu untuk membentuk polisi dan perancangan praktikal serta mempromosikan IKMa sebagai pusat latihan yang menjalankan penyelidikan berkaitan gerakan koperasi.

Seramai 131 orang peserta terlibat dalam seminar ini yang terdiri daripada Pegawai Latihan IKMa, Pegawai Pengurusan IKMa, Pegawai

dari Kementerian Pembangunan Usahawan dan Koperasi (KUSKOP), Suruhanjaya Koperasi Malaysia (SKM), Angkatan Koperasi Kebangsaan Malaysia Berhad (ANGKASA), dan Pensyarah Universiti Kebangsaan Malaysia (UKM) dan Universiti Keusahawanan Koperasi Malaysia (UKKM). Majlis perasmian telah disempurnakan oleh YB Tuan Onn bin Abu Bakar (Pengerusi Lembaga Pengarah, IKMa). Seminar penyelidikan ini melibatkan enam kertas penyelidikan merangkumi tiga kertas yang dibentangkan oleh pegawai latihan IKMa, dan tiga kertas dibentangkan oleh pensyarah

daripada universiti awam tempatan dan koperator.

Secara keseluruhannya, penganjuran seminar penyelidikan ini merupakan platform terbaik untuk berkongsi hasil kajian agar sesi perkongsian ilmu ini dapat merangsang pembangunan serta meningkatkan keupayaan modal insan koperasi. Selain itu, dapat membantu meningkatkan dan memantapkan pembangunan serta kedudukan kompetitif sektor koperasi di negara ini dalam menjadikan IKMa sebagai pusat rujukan dalam kalangan para ilmuwan, industri dan pihak berkepentingan yang lain.



Peserta Seminar Penyelidikan Koperasi 2024.

Program Graduan ke Koperasi (G2k) IKMa - USIM

Mohamad Haswardi Morshidi

haswardi@ikma.edu.my
Pusat Pendidikan Tinggi



Peserta-peserta G2K-USIM daripada Fakulti Ekonomi dan Muamalat, Universiti Sains Islam Malaysia (USIM).



Ucapan penutupan daripada Puan Najmah binti Nawawi, Pengarah Kanan Bahagian Pembangunan & Perundingan Koperasi (BPPK) IKMa.

IKMa telah menganjurkan Kursus Pengurusan Koperasi selama empat hari bermula 15-19 Januari 2024 bertempat di ibu pejabat IKMa, Petaling Jaya, Selangor. Program ini telah disertai seramai 21 orang pelajar tahun akhir Fakulti Ekonomi dan Muamalat, Universiti Sains Islam Malaysia (USIM).

Majlis penutup Program G2K IKMa-USIM telah disempurnakan oleh Puan Najmah binti Nawawi, Pengarah Kanan Bahagian Pembangunan & Perundingan Koperasi (BPPK) IKMa dengan acara penyampaian sijil kepada semua peserta. Turut hadir ialah Dr. Wan A'tirah binti Mahyudin, Pensyarah Fakulti Ekonomi dan Muamalat Universiti Sains Islam Malaysia.


Objektif program Graduan ke Koperasi (G2K) ini adalah untuk memberi nilai tambah graduan dari aspek pengetahuan dan kemahiran dalam bidang koperasi untuk melibatkan diri dalam gerakan koperasi serta memupuk dan menerapkan minda keusahawanan kepada graduan secara praktikal melalui latihan industri di koperasi terpilih.

IKMa Bimbing Koperasi ke Arah Pengurusan Sumber Manusia yang Cepak

Mohamad Haniff Mohamad Hashim

haniff@ikma.edu.my

Pusat Pengurusan Perniagaan



Antara perkara dibincangkan dalam Kursus Pengurusan Sumber Manusia.



Taklimat daripada Puan Nurshuhada dari Jabatan Tenaga Kerja.



Taklimat daripada Encik Mohd Sazuan dari PERKESO.

Kursus Pengurusan Sumber Manusia anjuran Pusat Pengurusan Perniagaan Institut Koperasi Malaysia (IKMa) telah dijalankan secara dalam talian. Program ini dilaksanakan pada 23 Januari 2024 yang lalu dengan kehadiran seramai 34 orang peserta yang terdiri daripada Anggota Lembaga Koperasi, anggota dan pekerja koperasi serata Malaysia. Kursus yang dijalankan menggunakan aplikasi Zoom ini mengenakan yuran bayaran sebanyak RM20 bagi setiap penyertaan. Program ini dijalankan bermula pada pukul 9.00 pagi – 4.30 petang. Objektif program ini adalah menerangkan konsep dan perundangan berkaitan sumber manusia dan mengenal pasti proses dalam setiap peringkat pengurusan sumber manusia.

Penceramah pertama merupakan Pegawai Latihan daripada Pusat Pengurusan Perniagaan iaitu Encik Mohamad Haniff bin Mohamad Hashim. Beliau memberi penerangan berkaitan latar belakang, definisi, proses, petua berkesan dan isu asas berkaitan pengurusan sumber manusia. Penceramah kedua pula ialah Puan Nurshuhada binti Suhaimi, Penolong Pengarah Tenaga Kerja dari Jabatan Tenaga Kerja Selangor. Beliau menerangkan perkara berkaitan Akta Kerja 1955 dan isu-isu semasa berkaitan sumber manusia. Sesi seterusnya adalah ceramah daripada pihak Pertubuhan Keselamatan Sosial (PERKESO) iaitu Encik Mohd Sazuan bin Abdul Hadi yang merupakan Pegawai Strategik Korporat di PERKESO Petaling Jaya. Beliau memberi penerangan berkaitan kebajikan, perlindungan serta hak pekerja di Malaysia.

Kursus ini mendapat respons yang baik daripada peserta. Banyak isu dan soalan diutarakan kepada penceramah seperti perkara berkaitan pelaksanaan gaji minimum, proses pelantikan dan pemberhentian pekerja, denda kepada majikan, hak pekerja dan majikan, dan lain-lain. Penganjuran program ini diharap dapat meningkatkan pemahaman dan pengetahuan peserta sekali gus membantu koperasi mereka menerapkan elemen pengurusan sumber manusia dengan lebih baik dalam koperasi.


44 Peserta Pelajari Pengurusan Projek Koperasi secara Efektif

Mohamad Haniff Mohamad Hashim
haniff@ikma.edu.my
Pusat Pengurusan Perniagaan

Pusat Pengurusan Perniagaan telah menjalankan Kursus Pengurusan Projek secara dalam talian pada 15 Februari 2024. Kursus yang diadakan itu dihadiri seramai 44 peserta yang terdiri daripada Anggota Lembaga Koperasi, anggota dan pekerja koperasi serata Malaysia. Kursus yang dijalankan menggunakan aplikasi Zoom ini bermula pada pukul 9.00 pagi – 4.30 petang. Objektif program ini ialah memberi pendedahan konsep pengurusan projek dan kepentingan dalam koperasi, mengenal pasti elemen dan teknik dan kumpulan yang terdapat dalam pengurusan projek.

Penceramah pertama merupakan Encik Mohamad Haniff bin Mohamad Hashim yang merupakan pegawai daripada Pusat Pengurusan Perniagaan, Institut Koperasi Malaysia. Beliau memberi penerangan berkaitan latar belakang, definisi, proses, dan faktor kejayaan projek koperasi. Penceramah kedua pula ialah Encik Hasrin bin Abu Hassan. Beliau menerangkan perkara berkaitan Kitar Hayat Projek. Sesi seterusnya ialah ceramah yang diberikan oleh Puan Hajar Azwin binti Ashi yang memberi penerangan berkaitan Bidang Pengurusan dan Implementasi Projek. Sesi terakhir diteruskan oleh Dr. Mushin bin Ismail yang menerangkan topik berkaitan Teknik Pengurusan Projek, Isu dan Cabaran Pengurusan Projek, dan Kepentingan Pemantauan dalam Pengurusan Projek.

Kursus ini mendapat respons yang baik daripada peserta. Banyak isu dan soalan diutarakan kepada penceramah seperti perkara berkaitan pengurusan projek, bagaimana mengendalikan projek secara efektif, kaedah dan proses yang betul mengendalikan projek, dan lain-lain. Penganjuran program ini diharap dapat meningkatkan pemahaman dan pengetahuan peserta sekali gus membantu koperasi mengendalikan projek mereka dengan lebih baik dan efektif.



Antara topik yang dibincangkan dalam kursus pengurusan projek inovasi.



Sesi penerangan oleh Encik Hasrin bin Abu Hassan.



Sesi penerangan oleh penceramah jemputan, Dr. Mushin bin Ismail.

Cabaran Koperasi dalam Pengurusan Rekod dan Fail yang Efektif

Dinah Nabilah Mokhtaruddin
dinah@ikma.edu.my
Pusat Pengurusan Perniagaan

Pusat Pengurusan Perniagaan (PPP) telah menganjurkan kursus Pengurusan Rekod dan Fail yang Efektif pada 19 – 21 Februari 2024 bertempat di Institut Koperasi Malaysia (IKMa), Petaling Jaya. Kursus ini diadakan untuk memberi kefahaman tentang teknik menyenggara sistem rekod fail koperasi dengan teratur dan pendedahan kepada para peserta dalam teknik merekodkan dokumen secara dalam talian.

Kursus yang diadakan selama tiga hari ini dimulakan dengan pengurusan surat menyurat (surat rasmi) dan kepentingan rekod dan pengurusan rekod. Sesi seterusnya, para peserta mempelajari tentang tatacara dalam penyediaan sistem fail yang disampaikan oleh Puan

Noranita binti Mohd Nor, Pengarah Pusat Pengurusan Perniagaan. Sesi ini memberikan peluang dalam penyediaan penyimpanan rekod dalam berbentuk manual dalam koperasi masing-masing dan sebelum didedahkan dengan penyimpanan rekod dalam maya (*online*) oleh Encik Farez bin Mahmood, Pegawai Latihan, Pusat Teknologi Maklumat & Komunikasi (ICT). Kursus ini juga membuat lawatan ke Arkib Negara Malaysia (ANM) bagi melihat sendiri sistem pemfailan mereka secara luar talian dan juga dalam talian (sistem keanggotaan, sistem pengurusan gaji dan pengurusan mesyuarat dan rekod).

Pada hari terakhir, para peserta perlu membuat simulasi untuk setiap

kumpulan dalam memfailkan nombor fail masing-masing berdasarkan kepada aktiviti yang diberikan. Para peserta perlu menyatakan jenis-jenis fail yang digunakan, nombor pendaftaran fail, jenis surat keluar dan masuk, warna pen yang digunakan untuk kertas minit dan apakah rekod yang tidak perlu dimasukkan di dalam fail.

Kesimpulannya, kursus ini sangat penting untuk para koperator terutamanya mereka yang terlibat dalam pengurusan rekod dan fail supaya pelaksanaan pengurusan aktiviti koperasi dapat berjalan dengan lancar. Ia akan memberi kesan sekiranya pengurusan perekodan dan pemfailan ini tidak dilaksanakan dengan baik.



Sesi lawatan ke Arkib Negara Malaysia.



Para peserta melaksanakan sesi kerja berkumpulan.



Sesi pembentangan kerja berkumpulan.

Majlis Perasmian Sijil Eksekutif Pengurusan Koperasi (SEPKo) 2024

Mohamad Haswardi Morshidi

haswardi@ikma.edu.my
Pusat Pendidikan Tinggi



Perasmian Majlis Pendaftaran SEPKo Sesi 1/2024 oleh Cik Sharina binti Abdullah, Pengarah Kanan Bahagian Dasar & Strategi (BDS) IKMa.



Sesi soal jawab oleh peserta dalam taklimat SEPKo Sesi 1/2024.



Taklimat perpustakaan oleh Pegawai Perpustakaan IKMa.



Peserta SEPKo sesi 1/2024 bersama Cik Sharina dan tenaga pengajar.

Pada tahun 2024 ini, IKMa menawarkan Sijil Eksekutif Pengurusan Koperasi (SEPKo) sebanyak dua kali iaitu pengambilan pada bulan Februari dan bulan Mei 2024. Pengambilan seramai 19 orang pelajar SEPKo sesi Februari 2024 telah mendaftar diri sebagai pelajar pada 20 Februari 2024 di kampus utama Institut Koperasi Malaysia, Petaling Jaya. Pelajar sesi pertama SEPKo ini

terdiri daripada Anggota Lembaga Koperasi termasuklah Pengerusi dan Setiausaha. Turut bersama mengikuti SEPKo pada kali ini ialah Jawatankuasa Audit Dalaman, Pengurus Koperasi, warga kerja sokongan koperasi dan juga anggota koperasi. Pelajar-pelajar ini terdiri daripada koperasi pelbagai kluster, fungsi dan aktiviti.

Bagi pendaftaran pada kali ini, pelajar-pelajar telah dibawa

meninjau fasiliti IKMa secara dekat termasuklah perpustakaan, fasiliti asrama, dewan makan dan kelas. Majlis pendaftaran telah disempurnakan perasmiannya oleh Cik Sharina binti Abdullah, Pengarah Kanan Bahagian Dasar & Strategi (BDS) IKMa. IKMa berterima kasih atas sokongan gerakan koperasi dengan program Sijil Eksekutif yang ditawarkan dan dikendalikan oleh Pusat Pendidikan Tinggi IKMa. Program SEPKo sesi Februari ini dijangka berakhir pada bulan Ogos 2024. Semoga pelajar-pelajar SEPKo sesi kali ini akan mengambil peluang meningkatkan ilmu koperasi dan seterusnya menyumbang balik ke koperasi masing-masing. Komitmen pelajar-pelajar ini untuk mengikuti kelas sepanjang 22 minggu secara dalam talian dan bersemuka ini amat disanjung dan dihargai.

Kelestarian Perniagaan Ar-Rahnu

Nazirah Baharudin

nazirah@ikma.edu.my

Pusat Perundingan Koperasi

Pusat Perundingan Koperasi, Institut Koperasi Malaysia (IKMa) telah melaksanakan program bicara ilmu bertajuk “Kelestarian Perniagaan Ar-Rahnu”. Program ini dilaksanakan secara dalam talian melalui aplikasi Zoom pada 21 Februari 2024 yang lalu. Program ini telah dihadiri seramai 142 orang peserta yang terdiri daripada koperasi kluster sederhana dan besar di seluruh Malaysia.

Tema bagi bicara ilmu pada kali ini memberi fokus kepada konsep pajak gadai Islam (ar-rahnu). Dua penceramah hebat telah dijemput bagi berkongsi pengalaman dalam bidang perniagaan ar-rahnu. Beliau ialah Puan Nazarhanim binti Mohamad Razak yang merupakan Ketua Pegawai Operasi Koperasi Polis Diraja Malaysia. Beliau mempunyai pengalaman yang luas antaranya sebagai juruaudit, penasihat cukai, dan pengurus kewangan. Beliau mempunyai Ijazah Sarjana Muda Perniagaan (Perakaunan) dari Massey University (New Zealand). Seterusnya,


penceramah kedua yang dijemput ialah Encik Saifuddin bin Sulaiman yang merupakan pengurus besar, Bahagian Perkhidmatan Kewangan Koperasi Sahabat Amanah Ikhtiar Malaysia Berhad. Beliau mempunyai pengalaman dalam perbankan selama 20 tahun (KBB, Maybank, Fin dan CBP).

Antara perkongsian ilmu yang menarik berkaitan penentuan dan penetapan KPI mestilah merujuk kepada elemen S(spesific), M(Measurable), A(Achievable), R(Relevant) dan T(Time-bound). Beliau mencadangkan setiap cawangan ar-rahnu mempunyai sasaran pencapaian mengikut pada lokasi dan kepadatan penduduk. Bagi mencapai sasaran yang dikehendaki mestilah mengikut pada tempoh masa yang ditetapkan. Namun aspek pengurusan risiko tidak diabaikan. Hinggan menerima barangan palsu untuk mengejar sasaran. Beliau juga mencadangkan supaya pajak gadai Islam ar-rahnu membuat inovasi

dari segi aspek kepelbagaian produk bagi menarik minat pelanggan dan melaluinya dapat mengekalkan perniagaan ar-rahnu dalam tempoh masa yang panjang.

Seterusnya, bagi slot kedua pula penceramah berkongsi berkaitan kawalan dalam perniagaan ar-rahnu. Setiap koperasi yang menjalankan pajak gadai Islam ar-rahnu mestilah mempunyai satu unit kawalan risiko bagi mengelakkan ketirisan dalam menjalankan perniagaan ar-rahnu. Seterusnya, dapat membantu dalam aspek pengambilan tenaga kerja yang kompeten dan terlatih serta mengamalkan modus operandi yang telus dan jujur dalam melaksanakan tugas harian.

Secara keseluruhannya, bicara ilmu “Kelestarian Perniagaan Ar-Rahnu” 2024 sangat bermanfaat dan semoga dapat memberikan cetusan idea dan membuka minda kepada operator koperasi ar-rahnu. Tahniah dan syabas kepada Pusat Perundingan Koperasi.



Encik Mohd Zaib turut merakamkan kenangan bergambar bersama para peserta.

Sesi bergambar bersama penceramah dan peserta.

9th Co-operative Colloquium

R. Zarinatun Mohd Abdul Kader

zarinatun@ikma.edu.my
Pusat Antarabangsa



Moderator sesi Puan R. Zarinatun binti Mohd Abdul Kader, sedang mengendalikan sesi webinar yang sedang berlangsung.



Webinar ini telah dirasmikan oleh YBrs. Tuan Haji Mohd Yahya bin Mat Sahri, Pengerusi Lembaga Pengarah, Institut Koperasi Malaysia.

Pusat Antarabangsa, Institut Koperasi Malaysia (IKMa) telah menganjurkan satu program bicara ilmu secara dalam talian bertajuk “9th Co-operative Colloquium” pada 27 Februari 2024 yang lalu. Tema bagi program ini ialah ‘*The Art of Managing A Cooperative: Unveiling The Secrets of Successful Coops*’. Webinar ini merupakan program kerjasama antara Institut Koperasi Malaysia (IKMa), International Cooperative Alliance Asia-Pacific (ICA-AP) dan Committee on Cooperative Research (CCR). Program ini juga dilihat dapat memperkukuhkan hubungan kerjasama antara IKMa, ICA-AP dan CCR, secara tidak langsung, ia dapat meningkatkan visibiliti

IKMa sebagai pusat pembangunan modal insan yang cemerlang yang diiktiraf di peringkat nasional dan antarabangsa.

Webinar secara maya ini menjadi platform perkongsian kisah kejayaan oleh koperasi yang telah menerima pengiktirafan di peringkat nasional atau antarabangsa seperti ICA-AP untuk dijadikan sebagai inspirasi kepada koperasi-koperasi lain. Di samping itu, perkongsian pengalaman dan pertukaran pandangan dapat membantu koperasi-koperasi lain melakar kerangka pelan tindakan bagi tujuan meningkatkan kelestarian pertumbuhan prestasi koperasi yang komprehensif pada masa hadapan.

Webinar ini telah dirasmikan oleh YBrs. Tuan Haji Mohd Yahya bin Mat Sahri, Pengerusi Lembaga Pengarah, Institut Koperasi Malaysia. Seramai **218** orang peserta yang telah mendaftar bagi mengikuti program ini. Walau bagaimanapun, seramai **110** orang telah berjaya mengikuti program ini daripada **26** buah negara seperti Malaysia, Philippines, Mauritius, Uganda, Indonesia, Nepal, Ghana, Algeria, Botswana, Cambodia, Eswatini, Greece, India, Japan, Kenya, Lao PDR, Morocco, Nepal, Palestine, Papua New Guinea, South Korea, Taiwan, Thailand, Gambia, Turkiye dan United Arab Emirates yang hadir secara dalam talian melalui platform aplikasi Zoom.

Memandangkan program ini dijalankan secara kerjasama, pihak ICA-AP telah melantik En. Mohit Dave, Setiausaha, CCR, ICA-AP menjadi pengacara majlis dan moderator sesi bagi webinar ini ialah Puan R. Zarinatun binti Mohd Abdul Kader, Pegawai Latihan Kanan, Pusat Antarabangsa, IKMa.

Penceramah jemputan terdiri daripada sektor koperasi dalam dan luar Negara dan juga agensi dari luar Negara. Berikut adalah penceramah yang terlibat secara langsung dalam webinar tersebut:

1. **Encik Abd. Sanih Nasri**, Pengerusi, *The Batu Putih Kinabatangan Bhd Sub-District Tourism Cooperative Bhd* (KOPEL), Malaysia. Tajuk kertas pembentangan beliau ialah *“Enhancing Operational Effectiveness and Fostering Overall Development.”*
2. **Miss Sreeja Murali**, Pegawai, *Uralungal Labour Contract Cooperative Society* (India). Tajuk kertas pembentangan beliau ialah *“Inspiring Excellence through*



Business Diversification of a Labour Co-op.”; dan

3. **Dr. Ahyoung Kim**, Pengarah, *iCOOP Cooperative Institute* (Republic of Korea). Tajuk kertas pembentangan beliau ialah *“Learning and Development of Cooperative Members and Employees: The Case of iCOOP Korea.”*

Program berakhir dengan ucapan dan rumusan daripada Cik Sharina binti Abdullah, Pengarah Kanan, Bahagian Dasar dan Strategi, IKMa dan ucapan

penutup disampaikan oleh Encik Mohit Dave, selaku pengacara majlis.

Webinar ini dilihat sebagai forum yang memperkukuh kepentingan kerjasama dan inovasi dalam memperkasakan koperasi sebagai tonggak ekonomi yang berkesan. Melalui perbincangan yang diadakan, para peserta diingatkan tentang nilai-nilai ini yang menjadi asas kejayaan koperasi pada masa hadapan. Pihak penganjur berharap peserta yang hadir pada program ini mendapat manfaat daripada perkongsian penceramah yang dijemput.



Peserta-peserta webinar yang telah hadir.

Harta Pusaka: Rezeki atau Beban

Nor Alyani Abdul Razak
alyani@ikma.edu.my
Pusat Kewangan dan Akaun



Pada tahun 2021, akhbar Utusan Malaysia telah melaporkan bahawa jumlah harta pusaka yang tidak dituntut dan tidak diuruskan telah mencapai RM90 bilion dan 90% daripada jumlah itu adalah milik orang Islam khususnya bangsa Melayu. Akibatnya, harta-harta ini tidak dapat menjana ekonomi negara dan membebankan waris-waris si mati yang tinggal. Antara punca utama proses pentadbiran pusaka si mati tidak dapat dilaksanakan termasuklah kos dan fi yang mahal, tiada pengetahuan pusaka, prosedur pentadbiran pusaka yang rumit dan tiada kesefahaman di kalangan waris-waris. Oleh yang demikian, adalah penting untuk masyarakat pada hari ini menyediakan perancangan harta pusaka seperti hibah, wasiat dan amanah sebagai solusi utama yang dapat membantu dalam menyelesaikan isu ini.


Di Malaysia, terdapat agensi kerajaan seperti Amanah Raya Berhad dan entiti-entiti swasta lain

yang menawarkan perkhidmatan mengurus harta pusaka dalam industri. Salah satu daripadanya adalah Rakyat Trustees Berhad (RTB). Secara ringkas, RTB telah ditubuhkan bagi menawarkan

produk perkhidmatan peramanahan, perancangan dan pentadbiran harta pusaka secara profesional, efisien serta mampu milik kepada masyarakat. RTB juga menawarkan nilai tambah di dalam produk dan



Program dirasmikan oleh YBhg. Dato' Hj Zazali bin Haron, Ahli Lembaga IKMa merangkap Pengerusi RTB.



Program Bicara Ilmu secara dalam talian melalui Zoom Meeting.

perkhidmatannya melalui penyediaan permohonan dan dokumentasi secara digital seiring dengan perkembangan teknologi masa kini.

Selain itu, dari aspek peluang perniagaan, RTB mewujudkan kepelbagaian saluran dalam memasarkan produk dan perkhidmatan pewarisan kepada masyarakat melalui kolaborasi dengan pelbagai agensi kerajaan serta swasta, institusi kewangan, dan korporat serta agensi, termasuklah koperasi. RTB juga turut membuka peluang perniagaan melalui jalinan kerjasama sebagai rakan niaga bagi menjana pendapatan serta membuka peluang kerjaya khususnya kepada koperasi dan anggotanya dan kepada masyarakat umumnya di dalam industri pewarisan ini.

Sehubungan itu, Pusat Kewangan dan Akaun IKMa dengan kerjasama RTB telah menganjurkan Bicara Ilmu

Kewangan dan Akaun Koperasi Siri 1 tahun 2024 dengan tajuk "Harta Pusaka: Rezeki atau Beban" pada 28 Februari 2024 yang lalu. Kehadiran seramai 75 orang dalam program secara dalam talian tersebut telah melibatkan penyertaan yang terdiri daripada Anggota Lembaga Koperasi (ALK), Jawatankuasa Audit Dalam Koperasi (JAD), pengurus, kakitangan dan anggota koperasi, pegawai agensi/kerajaan yang menyelia koperasi serta individu awam. Dalam program ini, Encik Mohamad Rasydi bin Abd Rashid, Pengarah Pusat Kewangan dan Akaun IKMa telah menyampaikan ucapan aluan, diikuti oleh ucapan perasmian oleh YBhg. Dato' Haji Zazali bin Haron yang merupakan Pengerusi RTB dan Ahli Lembaga Pengarah IKMa.

Antara topik yang dibincangkan dalam program ini meliputi impak ekonomi apabila harta pusaka

yang tidak dituntut; isu dan cabaran dalam menguruskan harta pusaka dan bagaimana perancangan harta pusaka sebagai solusi; serta membuka peluang kepada koperasi untuk menerokai peluang perniagaan yang ditawarkan oleh RTB sebagai syarikat amanah yang pertama menawarkan produk dan perkhidmatan secara digital sepenuhnya di Malaysia. Program ini telah memberi manfaat kepada koperasi dari

aspek peningkatan kesedaran dan pengetahuan tentang proses perancangan harta pusaka serta membuka akses kepada perkhidmatan amanah digital yang berpatutan dan boleh dipercayai yang disediakan oleh RTB.

Selain itu, IKMa juga telah menerima maklum balas positif daripada penganjuran program bicara ilmu ini daripada para peserta yang hadir. Hal ini membolehkan imej dan reputasi IKMa sebagai pusat rujukan tunggal koperasi di Malaysia dapat ditingkatkan dengan penganjuran program pendidikan yang memberi nilai tambah kepada koperasi dan koperator. Secara tidak langsung, ia akan mengukuhkan hubungan di antara IKMa dengan koperasi dan koperator dan secara tidak langsung akan menyumbang kepada kesejahteraan sosioekonomi anggota koperasi.

IKMa dan Yayasan Angkasa Bimbing Pelajar IPT

Nur Syazwani Zainul Abidin
nursyazwani@ikma.edu.my
Pusat Pendidikan Tinggi



Encik Haswardi berkongsi maklumat berkaitan dengan tadbir urus koperasi.



Puan Syazwani memberi penerangan berkaitan Asasi Undang-undang Koperasi kepada pelajar.



Encik Hamzi memberi penerangan berkaitan tajuk kenali koperasi.



Puan Azlina memberi penerangan berkaitan tajuk Microsoft Excel kepada pelajar.



Encik Hasrin bersama peserta bagi topik penyediaan perancangan perniagaan.

Pusat Pendidikan Tinggi, Institut Koperasi Malaysia (IKMa) dengan kerjasama Yayasan ANGKASA telah dijemput bagi mengendalikan Kursus Sijil Pengurusan Koperasi kepada 53 orang pelajar tahun akhir bagi program pelajar pembiayaan pendidikan Yayasan ANGKASA pada 29 Februari sehingga 1 Mac 2024 yang lalu di Hotel Grand Barakah, Ampang. Kursus ini dijalankan selama dua hari dua malam dari jam 9.00 pagi sehingga jam 10.30 malam dan merangkumi lapan topik asas koperasi seperti asas perundangan koperasi, tadbir urus koperasi, pentadbiran koperasi, asas kewangan koperasi, pengurusan automasi pejabat, pemasaran digital serta penyediaan perancangan perniagaan koperasi yang disampaikan oleh Pegawai Latihan dari Institut Koperasi Malaysia.

Kursus sijil pengurusan koperasi ini adalah kerjasama yang pertama kali diadakan antara IKMa dan Yayasan ANGKASA kepada pelajar program pembiayaan bagi tujuan melahirkan graduan tenaga kerja/profesional dalam sektor koperasi serta memberi nilai tambah kepada pelajar program pembiayaan Yayasan ANGKASA agar dapat menarik minat golongan muda untuk bersama-sama dalam gerakan koperasi.



Persediaan para pelajar sebelum perbentangan berlangsung.



Perbincangan dalam kumpulan bagi topik pemasaran digital.



Pelajar membuat perbentangan bagi topik pemasaran digital.



YBhg. Datuk Mohd Ali bin Mansor, Ketua Pengarah IKMa menyampaikan ucapan bagi majlis makan malam program Yayasan ANGKASA.



YBhg. Datuk Mohd Ali bin Mansor, Ketua Pengarah IKMa bersama YBhg. Datuk Seri Dr. Abdul Fattah bin Haji Abdullah, Pengerusi Yayasan ANGKASA serta VVIP lain bergambar bersama pelajar yang mengikut sijil pengurusan koperasi anjuran pihak YAYASAN ANGKASA.

Pada akhir kursus ini, majlis makan malam telah diadakan oleh pihak Yayasan ANGKASA yang dirasmikan oleh YBhg. Datuk Seri Dr. Abdul Fattah bin Abdullah, Pengerusi Yayasan ANGKASA merangkap Presiden ANGKASA. Sesi penyampaian sijil kepada 53 orang pelajar yang berjaya telah disampaikan oleh YBhg. Datuk Mohd Ali bin Mansor, Ketua Pengarah IKMa. Turut serta ke majlis ialah Ahli Lembaga Pemegang Amanah Yayasan ANGKASA, YBhg. Datuk Haji Mohamad Ali bin Hasan, YBhg. Datuk Ahmad Jamil bin Hashim, YBhg. Datuk Haji Md. Yusof bin Haji Samsudin, YBhg. Dato' Haji Zazali bin Haron, YBhg. Dato' Hajah Rosni binti Haji Zahari dan Tuan Haji Nasir Khan bin Yahaya. Tidak terkecuali, Encik Mohd Zaib bin Mat Yunus, Timbalan Ketua Pengarah Pembangunan Modal Insan Institut Koperasi Malaysia (IKMa) juga hadir mewakili IKMa ke majlis tersebut.

Kursus Audit Terlatih Ar-Rahnu Siri 1

Nazirah Baharudin
nazirah@ikma.edu.my
Pusat Perundingan Koperasi

Pusat Perundingan Koperasi, Institut Koperasi Malaysia (IKMa) telah melaksanakan Kursus Audit Terlatih Ar-Rahnu siri 1 pada 5 - 6 Mac 2024 di IKMa, Petaling Jaya. Kursus ini telah melibatkan seramai 28 orang peserta yang terdiri daripada pengurus ar-rahnu, kakitangan ar-rahnu dan Anggota Lembaga Koperasi yang terdiri daripada Koperasi Polis Diraja Malaysia, Koperasi Kakitangan Petronas Berhad (KOPETRO), Koperasi YaPEIM Berhad dan lain-lain koperasi daripada seluruh Malaysia.

Penceramah yang terlibat bagi mengendalikan kursus ini dijemput

khas daripada Koperasi Pos Nasional Berhad, beliau ialah Encik Anuar bin Sahrim Pengurus Besar Koponas. Beliau menceburi bidang emas sejak tahun 2008 dengan memulakan pekerjaan dengan Habib Jewels Sdn Bhd. Kemudian pada tahun 2012, beliau meneruskan karier dengan Pos Malaysia Berhad dan merupakan salah seorang yang terlibat dengan operasi Pos Ar-rahnu Sdn Bhd sehinggakan berjaya membuka 80 cawangan ar-rahnu. Objektif kursus ini adalah memberi pendedahan kepada peserta berkaitan tatacara pengauditan melibatkan tunai, emas dan dokumen dijalankan secara sistematik bagi

mengelakkan sebarang kes penipuan dan ketirisan dalam aktiviti Ar-rahnu.

Kesimpulannya, Kursus Audit Terlatih Ar-Rahnu dapat membantu peserta dalam meningkatkan tahap prestasi kerja, menjalankan kerja seharian dengan lebih cekap dan efisien. Serta, memahami tatacara pengauditan sebenar yang melibatkan tunai, emas dan dokumen yang perlu dijalankan secara sistematik bagi mengelakkan sebarang kes penipuan dan ketirisan dalam aktiviti ar-rahnu. Kursus yang dijalankan ini mendapat maklum balas yang baik daripada peserta dan diharapkan diteruskan lagi pada masa akan datang.

Para peserta Kursus Audit Terlatih Ar-Rahnu pada 5 - 6 Mac 2024.



Bengkel Pemantapan Kewangan Islam

Noor Azrin Kasim
noorazrin@ikma.edu.my
Pusat Kewangan dan Akaun



Pusat Kewangan dan Akaun telah melaksanakan Bengkel Pemantapan Kewangan Islam pada 7 Mac 2024. IKMa telah menerima wang zakat yang diberikan oleh pihak Co-opbank Pertama (CBP), yang mana dana yang diberikan kepada IKMa tersebut adalah bersumberkan Wakalah Zakat yang diamanahkan

oleh pihak Majlis Agama Islam Wilayah Persekutuan (MAIWP) dan kegunaannya adalah tertakluk kepada tujuan fisabilillah. Objektif Bengkel Pemantapan Kewangan Islam adalah untuk meningkatkan kompetensi dan kefahaman Anggota Lembaga Koperasi (ALK), Pengurusan Koperasi, Jawatankuasa Syariah

Koperasi, Anggota Koperasi dan Individu yang berminat dalam aspek pembangunan produk kewangan patuh syariah serta memperhalusi (*refine*) produk kewangan yang sedang ditawarkan oleh koperasi, memberi pengetahuan kepada ALK dan pengurusan dalam mentadbir koperasi supaya menawarkan



Seramai 38 orang peserta yang hadir ke bengkel ini.



Penceramah sesi 1: Ustaz Mohamad Azahari Ahmad, ANGKASA.



Penceramah sesi 2 daripada Puan Raimi Azyan binti Roslan, SKM.

Penasihat Syariah BSN yang bertajuk Pengenalan Muamalat Islam, serta pada sesi terakhir ceramah disampaikan oleh Ustaz Haji Mohd Fazli bin Masri, Ketua Syariah, Co-opbank Pertama yang bertajuk Kontrak dalam Kewangan Islam, yang mana kesemua penceramah ini mempunyai pengalaman yang luas dalam bidang kewangan Islam dan syariah.

Sesi terakhir Bengkel Pematapan Kewangan Islam ini diakhiri dengan sesi penggulungan oleh Pengarah Pusat Kewangan dan Akaun, Encik Mohd Rasydi bin Mohd Rashid. Secara keseluruhan, bengkel ini berjaya mencapai objektifnya dengan kehadiran koperator. Bengkel ini dilihat memenuhi keperluan modal insan gerakan koperasi terutamanya dalam bidang kewangan Islam.

produk kewangan yang patuh syariah seiring dengan permintaan pasaran kewangan dan memberi pengetahuan kepada ALK serta pengurusan dalam mentadbir koperasi berkaitan proses dan pengawalseliaan patuh syariah di peringkat koperasi. Bengkel ini berlangsung di Hotel Bangi Resort dengan kehadiran 38 orang peserta yang terdiri daripada koperasi kredit yang bertempat di kawasan Lembah Klang.

Penceramah jemputan terdiri daripada empat orang penceramah, iaitu Ustaz Mohamad Azahari Ahmad, Pengurus Unit Pematuan Syariah, Bahagian Pengurusan dan Pembangunan Syariah, Angkatan Koperasi Kebangsaan Malaysia Bhd (ANGKASA) pada sesi 1, yang bertajuk Pensijilan Patuh Syariah Koperasi, diikuti sesi 2 daripada Puan Raimi Azyan binti Roslan, Penolong Pengarah Kanan, Bahagian Syariah,

Suruhanjaya Koperasi Malaysia (SKM) dengan tajuk ceramah Kawal Selia Patuh Syariah Koperasi. Sesi 3 dikendalikan oleh Dr. Razli Ramli, Pakar Kewangan Islam UTM dan



Penceramah Sesi 3 dikendalikan oleh Dr. Razli Ramli, Pakar Kewangan Islam UTM dan Penasihat Syariah BSN.



Penceramah Sesi 4: Ustaz Haji Mohd Fazli bin Masri, Pengurus Besar Kanan, Co-opbank Pertama.

Pengerusi IKMa Rasmi Majlis Penganugerahan Sijil Eksekutif

Nur Syazwani Zainul Abidin

nursyazwani@ikma.edu.my

Pusat Pendidikan Tinggi



Peserta Sijil Eksekutif Pengurusan Koperasi (SEPKo) sesi 2023.



Peserta Sijil Eksekutif Setiausaha Koperasi (SESKo) sesi 2023.

Seramai 71 orang peserta menerima sijil dalam program masing-masing di Majlis Penganugerahan Sijil Eksekutif sesi 2023 yang diadakan bertempat di Auditorium Dato' Abdul Majid, IKMa Petaling Jaya pada 7 Mac 2024 yang lalu. Majlis penganugerahan kali ini mencatatkan peningkatan peserta berbanding tahun lalu

dengan kenaikan sebanyak 87 peratus. Ia merangkumi pecahan mengikut empat program iaitu 22 orang peserta Sijil Eksekutif Pengurusan Koperasi (SEPKo), 20 orang peserta Sijil Eksekutif Setiausaha Koperasi, 25 orang peserta Sijil Eksekutif Pemasaran Digital (SEPDi) dan empat orang peserta Sijil Eksekutif Pengurusan

Runcit (SEPRACE). Daripada pecahan tersebut, dua program baharu telah diperkenalkan iaitu Sijil Eksekutif Pemasaran Digital (SEPDi) dan Sijil Eksekutif Pengurusan Runcit dengan penyertaan peserta yang amat menggalakkan.

Program sijil ini adalah berdasarkan bidang tujahan ketiga Pelan Transformasi Koperasi 2021-



Peserta Sijil Eksekutif Pemasaran Digital (SEPDi) sesi 2023.



Peserta Sijil Eksekutif Pengurusan Runcit (SEPRACE) sesi 2023.



Penerima Anugerah Peserta Terbaik bagi program Sijil Eksekutif Bersama YBrs. Tuan Haji Mohd Yahya bin Haji Mat Sahri.

2025 (TransKoM) yang menekankan kepada aspek pengukuhan bakat dan pembangunan modal insan bagi mewujudkan modal insan berpengetahuan, berinovasi, berintegriti dan berdaya maju. Sehubungan itu, program sijil ini berupaya untuk meningkatkan kompetensi dan melahirkan tenaga profesional dalam koperasi. Secara tidak langsung, pengetahuan dan kemahiran yang diperoleh oleh peserta berupaya menjadi pemangkin kepada

prestasi dan tata kelola koperasi yang lebih baik dan berintegriti.

Peserta yang mengikuti empat program sijil ini mewakili 45 buah koperasi dari seluruh negeri (termasuk Sabah dan Sarawak). Koperasi yang menyertai program ini terdiri daripada 11 koperasi kluster besar dan selebihnya 34 koperasi kluster sederhana dan berkluster kecil dan mikro. Empat peserta telah dipilih bagi anugerah peserta terbaik untuk program masing-masing. Anugerah

peserta terbaik bagi program SEPko ialah Encik Mohd Kameel bin Abdul Karim dari Koperasi Pembangunan Daerah Seremban, manakala anugerah peserta terbaik bagi program SESko ialah Puan Khadijah binti Ishak dari Koperasi Profesional Putrajaya Berhad. Ia diikuti Encik Wan Azwan Amin bin Wan Fakhruddin dari Koperasi Tenaga Nasional Berhad yang dipilih menerima anugerah peserta terbaik bagi program SEPDi dan akhir sekali Encik Sazali bin Saidin dari Koperasi Masjid Al-Arifin Padang Katong Perlis Berhad dipilih menerima anugerah peserta terbaik bagi program SEPRACE.

Majlis Penganugerahan Sijil Eksekutif ini telah disempurnakan oleh YBrs Tuan Hj. Mohd Yahya bin Haji Mat Sahri, Pengerusi Lembaga Pengarah, Institut Koperasi Malaysia. Turut hadir sama dalam majlis ialah barisan Ahli Lembaga IKMa, wakil Suruhanjaya Koperasi Malaysia, wakil koperasi-koperasi serta YBhg. Datuk Mohd Ali bin Mansor, Ketua Pengarah IKMa, dan Puan Hamidah binti Mohd Jos, Timbalan Ketua Pengarah Pengurusan IKMa serta pengarah-pengarah kanan dan pengarah-pengarah IKMa.



Peserta – peserta Sijil Eksekutif sesi 2023 bersama VIP yang hadir.

Pemeriksaan Koperasi Melalui Tadbir Urus Syariah

Ahmad Amin Aiman Shamsudin

aiman@ikma.edu.my

Institut Koperasi Malaysia (Cawangan Kuala Terengganu)




Ucapan perasmian bicara ilmu disampaikan oleh Encik Mohd Zaib, Timbalan Ketua Pengarah (PMI).



Ustaz Mohammad Azahari selaku penceramah jemputan.



Ucapan penutupan oleh Puan Haslinda, Pengarah IKMa Zon Timur.



Sebahagian peserta yang menghadiri program bicara ilmu.

Institut Koperasi Malaysia (IKMa) Cawangan Kuala Terengganu telah mengadakan program bicara ilmu yang bertajuk “Pemeriksaan Koperasi Melalui Tadbir Urus Syariah” secara maya melalui aplikasi Zoom pada 19 Mac 2024. Program ini berjaya menarik minat 150 orang koperator dari seluruh Malaysia yang terdiri daripada barisan pimpinan dan staf koperasi. Selain koperator, peserta yang turut hadir ialah warga kerja IKMa. Bicara ilmu kali ini telah dirasmikan oleh Encik Mohd Zaib bin Mat Yunus, Timbalan Ketua Pengarah Pembangunan Modal Insan (PMI), Institut Koperasi Malaysia.

Objektif program bicara ilmu kali ini untuk memberi pendedahan serta kefahaman berkaitan tadbir urus syariah dalam gerakan koperasi di samping dapat mengetahui

kepentingan, cabaran dan isu dalam pentadbiran patuh Syariah. Dalam program bicara ilmu kali ini, IKMa Cawangan Kuala Terengganu telah menjemput Ustaz Mohammad Azahari bin Ahmad A-hafiz, Pengurus Bahagian Pengurusan dan Pembangunan Syariah, ANGKASA sebagai penceramah jemputan. Beliau membentangkan isu-isu yang berlaku masa kini dan disertakan kaedah-kaedah yang mengikut aturan patuh syariah. Selain itu, beliau juga memberi pengenalan kontrak dan produk yang ada dalam kewangan Islam yang amat bersesuaian jika diimplementasikan dalam pengurusan dan pentadbiran koperasi.

Secara keseluruhannya, bicara ilmu pada kali ini banyak membuka minda para koperator tentang kepentingan tadbir urus patuh syariah meliputi pelbagai sektor. Ucapan penutupan program ini disampaikan oleh Puan Haslinda binti Sujak, Pengarah IKMa Zon Timur.

Ramadan Membentuk Kepimpinan Koperasi Madani

Nur Shuhada Hj. Mohd Ali

nurshuhada@ikma.edu.my
Institut Koperasi Malaysia Zon Tengah

Pada 26 Mac 2024 bersamaan 15 Ramadan 1445, Institut Koperasi Malaysia (IKMa) Zon Tengah telah menganjurkan Bicara Ilmu yang bertajuk “Ramadan Membentuk Kepimpinan Koperasi Madani” di Hotel Tenera, Bandar Baru Bangi. Objektif bicara ilmu ini untuk memberi pendedahan berkaitan kepimpinan koperasi, memberi pengetahuan tentang konsep kepimpinan Madani dan

meningkatkan kefahaman berkaitan keberkatan bulan Ramadan dalam membentuk kepimpinan koperasi Madani.

Bicara ilmu ini dirasmikan oleh YBhg. Datuk Mohd Ali bin Mansor, Ketua Pengarah, Institut Koperasi Malaysia. Program ini turut dihadiri oleh Encik Mohd Zaib bin Mat Yunus, Timbalan Ketua Pengarah (Pembangunan Modal Insan) dan Puan Hamidah binti

Mohd Jos, Timbalan Ketua Pengarah (Pengurusan).

Penyertaan bicara ilmu ini seramai 103 terdiri daripada wakil koperasi dan agensi seperti Suruhanjaya Koperasi Malaysia (SKM) dan ANGKASA dari negeri Selangor, Wilayah Persekutuan Kuala Lumpur dan negeri Sembilan. Bicara ilmu ini menampilkan Ustaz Haslin bin Baharim selaku penceramah jemputan atau



Ucapan perasmian oleh YBhg. Datuk Mohd Ali, Ketua Pengarah IKMa.



Ustaz Haslin sebagai penceramah jemputan bagi program bicara ilmu.



Tetamu jemputan bersama peserta bicara ilmu.

pendakwah bebas. Menerusi bicara ilmu ini, diharap para peserta dapat membentuk barisan pengurusan dan pentadbiran koperasi, anggota koperasi, usahawan dan masyarakat setempat yang cemerlang dan diberkati Allah SWT di dunia mahupun akhirat. Pemimpin koperasi harus dihadapi dengan cabaran dalam mengekalkan motivasi dan komitmen. Strategi

yang terbaik adalah untuk menjadi teladan yang baik dengan menunjukkan kesungguhan, integriti dan dedikasi kepada tanggungjawab yang diamanahkan. Selain itu, pemimpin koperasi perlu menunjukkan integriti tinggi, serta berpegang teguh pada prinsip dan nilai koperasi.

Secara keseluruhannya, bicara ilmu ini mendapat kerjasama

dan maklum balas yang positif daripada agensi dan semua peserta yang terlibat. Dengan penerapan Malaysia Madani terdiri daripada enam tonggak dasar iaitu M (keMampanan), A (kesejAhteraan), D (Daya cipta), A (hormAt), N (keyakiNan) dan I (Ihsan) dalam membentuk kepimpinan koperasi mampu memberi kekuatan jiwa, mental dan spiritual koperasi.



Penceramah jemputan bersama urus setia.

IKMa Bimbing Koperasi KOSWIP Malaysia Berhad

Nazirah Baharudin
nazirah@ikma.edu.my
Pusat Perundingan Koperasi



Barisan pegawai IKMa bersama Ahli Lembaga KOSWIP.



Sesi perbincangan bahagian pengurusan dan Ahli Lembaga KOSWIP.

Pusat Perundingan Koperasi, Institut Koperasi Malaysia (IKMa) telah mengadakan Bengkel *Brainstorming* Pelan Strategik Siri 1 (Koperasi KOSWIP Malaysia Berhad) pada 30 Mac 2024. Bengkel ini diadakan di Ibu Pejabat Koperasi KOSWIP Malaysia Berhad dan telah dihadiri seramai 21 orang wakil yang terdiri daripada kakitangan bahagian pengurusan dan Anggota Lembaga Koperasi. Bengkel ini dikendalikan oleh tiga orang wakil pegawai latihan dari Pusat Perundingan Koperasi, IKMa iaitu Encik Mohd Fitri bin Ab Rahman, Puan Salwana binti Ali dan Puan Nazirah binti Baharudin.


Bengkel ini dimulakan dengan taklimat berkaitan program-program di IKMa dan penerangan penawaran pakej-pakej pelan strategik yang memberi fokus kepada hala tuju, pengisian templat pelan strategik, pembangunan pelan tindakan dan KPI, unjuran bajet dan penulisan pelan strategik serta kompilasi pelan strategik. Seterusnya, sesi diteruskan

dengan ucapan alu-aluan pengerusi dan taklimat prestasi perniagaan dan hala tuju koperasi oleh Pengurus Besar KOSWIP. Sesi diteruskan lagi dengan penerangan berkaitan pembangunan kanvas model perniagaan dan analisis persekitaran koperasi dan sesi "brainstorming" model perniagaan baharu dan yang sedia ada. Pada sesi terakhir, para peserta dibahagikan kepada empat kumpulan bagi tujuan pembangunan model perniagaan baharu dan sedia ada. Setiap kumpulan perlu membentangkan model perniagaan yang telah dibangunkan. Penutup, wakil IKMa memberi maklum balas bagi setiap model perniagaan yang dibangunkan serta percambahan minda daripada kedua pihak.

Objektif bengkel ini untuk membantu koperasi dari aspek percambahan minda bagi aktiviti perniagaan baharu dan penambahbaikan perniagaan sedia ada. Hasil daripada bengkel ini, pihak koperasi perlu membuat analisis lebih lengkap dan satu keputusan

perlu diambil bagi memilih aktiviti perniagaan yang berimpak tinggi dan dapat memberikan pulangan yang banyak dalam tempoh masa yang panjang. Bagi perniagaan sedia ada pula, pihak koperasi perlu menambah baik elemen segmen pelanggan dan tawaran nilai agar manfaat yang ditawarkan bersesuaian dengan pelanggan yang disasarkan. Pihak koperasi juga disarankan meningkatkan aspek promosi dengan perancangan yang lebih teratur serta mengikut kepada perkembangan teknologi semasa.

Secara keseluruhannya, bengkel ini telah berjaya dilaksanakan dan pihak koperasi berterima kasih atas keprihatinan pihak IKMa dalam memberi perkhidmatan perundingan kepada koperasi berkluster besar. Melalui perkhidmatan yang diberikan dapat mewujudkan hubungan yang baik antara pihak IKMa dan koperasi. Semoga kerjasama yang terjalin dapat memberi manfaat kepada gerakan koperasi.



Pengacara majlis Dr. Zurita Mohd Saleh selaku Pengarah Pusat Antarabangsa.



Pemudah cara program *Roundtable Dialogue* iaitu Profesor Dr. Rosmimah Mohd Roslin.



Panelis pertama YBhg. Dato' TPr. Suki Mee.



Panelis kedua YBhg. Datuk Basari bin Sarkun.



Panelis ketiga Mr. Ovide Caribou dan Patricia Caribou.



Panelis keempat Prof. Madya Dr. Puteri Aina Megat Ameir Noordin.

Reciprocity in Indigenous Communities: Perspectives from Malaysia and Canada (A Roundtable Dialogue)

Muhammad Afnan Hasim
afnan@ikma.edu.my
Pusat Antarabangsa

Satu program dialog bertemakan *Reciprocity in Indigenous Communities: Perspectives from Malaysia and Canada* telah diadakan secara maya pada 23 April 2024 yang lalu. Objektif program kerjasama strategik antara Institut Koperasi

Malaysia (IKMa), Malaysia dan Canadian Association for Studies in Co-operation (CASC), Kanada adalah untuk berkongsi input berkaitan ciri-ciri dan bentuk penglibatan masyarakat Orang Asli dalam keusahawanan serta sumbangan

mereka dalam gerakan koperasi di kedua-dua buah negara.

Seramai empat orang ahli panel jemputan daripada Malaysia dan Kanada terlibat dalam sesi perkongsian tersebut. Mereka terdiri daripada YBhg. Dato' TPr.

Suki Mee, Ahli Lembaga Pengarah, IKMa, YBhg. Datuk Basari bin Sarkun, Ahli Lembaga Pengarah, IKMa, Profesor Madya Dr. Puteri Aina binti Megat Ameir Noordin, Pensyarah UNITAR International University dan Mr. Ovider Caribou, Pukatawagan First Nation, Kanada. Manakala, pemudah cara bagi sesi dialog ini ialah Profesor Dr. Rosmimah binti Mohd Roslin, Pensyarah di UNITAR International University, Malaysia

Dalam sesi dialog tersebut, antara isu dan cabaran utama Orang Asli di Semenanjung Malaysia yang dikenal pasti

melalui pembentangan oleh salah seorang panel dari Malaysia adalah berkaitan hak pemilikan tanah. Secara tidak langsung, faktor ini menyumbang kepada isu pembangunan sosioekonomi Orang Asli yang lemah. Dalam konteks koperasi, laporan Suruhanjaya Koperasi Malaysia (SKM) 2023 menunjukkan bahawa peratusan jumlah keseluruhan Koperasi Orang Asli di Malaysia merangkumi Sabah dan Sarawak tidak melebihi 1% (95) daripada 15,809 buah Koperasi dengan nilai perolehan sebanyak RM11.28(J).


Kesimpulannya, program dialog ini yang dilaksanakan secara kerjasama strategik antara IKMa melalui Pusat Antarabangsa dengan CASC dapat memberi manfaat bukan sahaja kepada gerakan koperasi dan para penyelidik di Malaysia, malah di Kanada. Diharapkan, inisiatif strategik ini iaitu memperkasakan pembangunan komuniti dan koperasi orang asli melalui latihan dan pendidikan yang berkualiti dapat dicapai dan berupaya menghasilkan impak yang besar bukan sahaja terhadap pembangunan sosial dan ekonomi, malah kepada aspek persekitaran.



Sesi roundtable dialogue.



Sesi pengenalan kepada program disampaikan oleh Dr. Judith Harris, Co-President Canadian Association for Studies Co-operation.



Sesi pengenalan kepada program disampaikan oleh Cik Sharina binti Abdullah, Pengarah Kanan Bahagian Dasar & Strategik.



Sesi bergambar.



Sesi bergambar bersama panelis dan moderator serta peserta program 2.

Program Madani Rakyat (PMR) 2024 Peringkat Zon Utara

Nur Syamimi Othman
nursyamimi@ikma.edu.my
Institut Koperasi Malaysia Zon Utara



Sesi *Pocket Talk* oleh Puan Nasuha binti Nezuakifli, Pegawai Latihan IKMa Zon Utara.

Pejabat Perdana Menteri melalui Unit Penyelarasan Lonjakan Prestasi (PACU) telah menjalankan siri kedua Program Madani Rakyat (PMR) 2024 peringkat Zon Utara, menandakan kesinambungan usaha Kerajaan dalam meningkatkan kesejahteraan rakyat. Menerusi kerjasama strategik Kementerian Pengangkutan (MOT) dan Kerajaan Negeri Pulau Pinang, program ini melibatkan tiga buah negeri di utara semenanjung iaitu Pulau Pinang, Kedah, dan Perlis.

Penganjuran Program Madani Rakyat (PMR) 2024 peringkat Zon Utara yang berlangsung dari 3 hingga 5 Mei 2024 di Tapak Pesta Sungai Nibong, Pulau Pinang bertujuan memberi peluang kepada masyarakat untuk memahami, melihat, dan menilai dasar serta inisiatif baharu Kerajaan dalam meningkatkan kualiti hidup rakyat. Program ini juga merupakan platform bagi masyarakat untuk mendapatkan perkhidmatan secara terus daripada kementerian dan

agensi kerajaan, serta memberi ruang kepada mereka untuk menyuarakan pandangan dan cadangan bagi penambahbaikan mutu perkhidmatan kerajaan.

Turut menarik perhatian dalam program ini adalah pelbagai aktiviti yang ditawarkan kepada pengunjung, seperti Karnival Kerjaya yang menawarkan peluang pekerjaan, penawaran diskaun di kaunter bayaran saman trafik Polis Diraja Malaysia, penukaran topi keledar secara percuma oleh

Jabatan Pengangkutan Jalan (JPJ), dan pelbagai lagi. Kementerian Pengangkutan (MOT) turut menyediakan perkhidmatan bas perantara dan perkhidmatan feri percuma untuk memudahkan perjalanan pengunjung sepanjang tiga hari program berlangsung. Selain itu, perkhidmatan KTM Komuter Utara juga disediakan secara percuma pada hari kedua dan terakhir program.

Tidak ketinggalan, Institut Koperasi Malaysia (IKMa) Zon Utara turut menganjurkan program Pocket Talk bertajuk "IKMa Pencetus Minda Koperasi", yang bertujuan untuk memberi pendedahan dan kefahaman komprehensif mengenai konsep berkoperasi serta program pembangunan modal insan yang dianjurkan oleh IKMa. Dengan penganjuran program ini, ianya dapat memberi manfaat kepada semua yang hadir serta imej IKMa sebagai pusat kecemerlangan pembangunan modal insan koperasi dapat diperkenalkan secara langsung kepada para peserta.

Pocket Talk ini sebagai platform interaktif di mana peserta dapat berinteraksi secara langsung dengan penceramah yang juga merupakan Pegawai Latihan IKMa Zon Utara, iaitu Puan Nasuha binti Nezuakifli. Menerusi taklimat santai dan bersahaja yang disampaikan beliau, cukup informatif dengan konsep-konsep asas berkoperasi, prinsip-prinsip dan nilai koperasi, serta kepentingan pembangunan modal insan dalam konteks koperasi.

Selain itu, peserta turut diberi penekanan mengenai inisiatif pembangunan modal insan yang telah dilaksanakan oleh IKMa dalam menyokong pertumbuhan dan kelestarian koperasi di Zon Utara. Antaranya termasuklah pelbagai program latihan, bimbingan, dan sokongan yang disediakan oleh IKMa kepada anggota koperasi untuk meningkatkan kecekapan pengurusan, kemahiran keusahawanan, dan keupayaan untuk bersaing dalam pasaran.

Program turut diserikan dengan kehadiran Puan Hamidah binti

Mohd Jos, Timbalan Pengarah Pengurusan (TKPP) IKMa sebagai tanda sokongan terhadap program yang dianjurkan. Lebih menarik lagi, peserta turut diberi peluang untuk menjawab soalan kuiz dan memenangi pelbagai hadiah istimewa serta disampaikan sendiri oleh TKPP IKMa kepada para peserta yang menjawab soalan dengan tepat.

Dengan kesinambungan Program Madani Rakyat (PMR) 2024 dan inisiatif lain yang diterajui oleh Kerajaan, diharapkan kesejahteraan rakyat terus meningkat dan hubungan antara masyarakat dengan kerajaan semakin diperkukuhkan untuk membina negara yang lebih sejahtera. Dengan sokongan aktif dari pelbagai lapisan masyarakat, program ini memberi manfaat kepada individu dan juga menyumbang kepada perkembangan komuniti koperasi secara menyeluruh, khususnya dalam gerakan koperasi di Zon Utara.




Peserta bergambar dengan hadiah kemenangan yang disampaikan oleh Puan Hamidah binti Mohd Jos (TKPP) IKMa dan urus setia IKMa Zon Utara.

Memantapkan Tadbir Urus Koperasi Melalui Kursus Pengurusan Organisasi Cemerlang

Mohamad Haniff Mohamad Hashim

haniff@ikma.edu.my

Pusat Pengurusan Perniagaan



Sesi pertama yang disampaikan oleh Encik Mohamad Haniff bin Hashim.



Taklimat disampaikan oleh Encik Marzuki bin Yasoa, Penasihat Koperasi Tenaga Nasional Berhad.



Topik berkaitan kepimpinan yang disampaikan oleh Encik Hasrin bin Abu Hassan.

Kursus Pengurusan Organisasi Cemerlang telah dianjurkan oleh Pusat Pengurusan Perniagaan pada 20 Mei 2024 yang lalu. Seramai 50 orang peserta telah hadir mengikuti kursus yang telah dijalankan secara dalam talian. Kursus ini diadakan selama satu hari dan dikenakan bayaran sebanyak RM20 seorang. Objektif penganjuran kursus ini adalah untuk menerangkan konsep pengurusan organisasi, menjelaskan kepimpinan dalam pengurusan, dan menerangkan kemahiran diperlukan dalam menguruskan organisasi.

Sesi pertama dimulakan dengan taklimat yang diberikan oleh Encik Mohamad Haniff bin Mohamad Hashim, Pegawai Latihan, Pusat Pengurusan Perniagaan. Taklimat beliau berkaitan dengan pengenalan berkaitan pengurusan organisasi dan peranan pengurus dalam pengurusan

organisasi. Antara topik yang dibincangkan merangkumi definisi pengurusan organisasi dan koperasi, contoh dan tahap pengurusan, peranan pengurus dan lain-lain. Bagi taklimat kedua, ceramah disampaikan oleh Encik Marzuki bin Yasoa, Penasihat kepada Koperasi Tenaga Nasional Berhad. Beliau memberikan taklimat berkaitan kemahiran pengurusan dan kaedah pengurusan organisasi yang cemerlang. Antara topik yang dibincangkan oleh beliau berkaitan maklumat koperasi, perkongsian pengalaman, kemahiran pengurusan dan bagaimana menguruskan koperasi menjadi sebuah organisasi cemerlang. Pada sesi terakhir, ceramah disampaikan oleh Encik Hasrin bin Abu Hassan, Pegawai Latihan Kanan IKMa. Topik yang dibincangkan adalah berkaitan kemahiran pengurusan.

Banyak ilmu dan maklumat yang diperoleh khususnya daripada taklimat yang diberikan oleh Encik Marzuki. Beliau banyak berkongsi maklumat bagaimana beliau menguruskan Koperasi Tenaga Nasional Berhad yang merupakan salah satu koperasi berkluster besar di Malaysia. Antara topik penting yang dibincangkan berkaitan pengurusan sumber manusia, pengurusan masa, pengurusan stres dan lain-lain. Pengalaman beliau dalam bidang koperasi selama hampir 20 tahun menguruskan koperasi besar seperti KOPETRO dan Koperasi Tenaga Nasional Berhad banyak membantu peserta kursus mendapat ilmu yang bermanfaat untuk menguruskan koperasi mereka. Diharap dengan penganjuran kursus ini dapat membantu peserta mendapat pengetahuan dan kemahiran yang baik untuk menguruskan koperasi.

IKMa Hasrat Jalin Kerjasama dengan JCC

R. Zarinatun Mohd Abdul Kader
zarinatun@ikma.edu.my
Pusat Antarabangsa



Perbincangan secara dalam talian sedang berlangsung di antara IKMa dengan JCC pada 31 Mac 2024.

Pada 31 Januari 2024, satu mesyuarat secara dalam talian telah diadakan antara Institut Koperasi Malaysia (IKMa) dan Jordan Cooperative Corporation (JCC). Mesyuarat ini adalah hasil daripada lawatan rasmi oleh *His Excellency Ambassador* Dr. Ismael Maaytah, duta dari The Hashemite Kingdom of Jordan ke Malaysia yang telah mengunjungi IKMa pada 21 Disember 2023. Lawatan ini bertujuan untuk memperkukuh hubungan dan meningkatkan kerjasama antara kedua-dua institusi dengan fokus khusus pada bidang latihan dan

pendidikan koperasi. Selain membina jaringan kerjasama dan pertukaran kepakaran antara pegawai dan staf dari JCC dengan pihak IKMa, pihak JCC berharap agar IKMa dapat menyediakan khidmat nasihat khusus dalam pembangunan pusat latihan koperasi di Jordan.

Rentetan dari lawatan kedutaan Jordan ini YB Datuk Ewon Benedick, Menteri Pembangunan Usahawan dan Koperasi dan YBhg. Datuk Mohd Ali bin Mansor, Ketua Pengarah IKMa telah menerima surat jemputan dari JCC bagi menghadiri dan mengikuti program 11th Asia Pacific Cooperative

Ministers' Conference pada 28 - 30 April 2024 di Laut Mati, Jordan.

Mesyuarat ini dihadiri oleh pegawai-pegawai dari IKMa dan JCC. Pegawai dari IKMa yang mengikuti mesyuarat secara dalam talian adalah seperti berikut:

1. Cik Sharina binti Abdullah, Pengarah Kanan, Bahagian Dasar & Strategi
2. Dr. Zurita binti Mohd Saleh, Pengarah Pusat Antarabangsa
3. Puan R. Zarinatun binti Mohd Abdul Kader, Pegawai Latihan Kanan, Pusat Antarabangsa

4. Encik Muhammad Afnan bin Hasim, Pegawai Latihan, Pusat Antarabangsa

Pegawai dari JCC yang turut serta dalam mesyuarat adalah:

1. Mr. Thamer Madarmah, Ministry of Planning and International Cooperation
2. Eng. Hani Al-edanat, Jordan Cooperative Corporation
3. Mrs. Vivian Yalda, Jordan Cooperative Corporation/translator
4. Ms. Khitam Almazaydeh

Pada 25 Mac 2024, mesyuarat dalam talian kali kedua telah diadakan dengan tujuan untuk membincangkan pelbagai perkara berkaitan majlis menandatangani Memorandum Persefahaman (MOU) antara JCC dan IKMa.

Mesyuarat ini memberi tumpuan utama kepada tiga agenda penting iaitu:

- i. penilaian semula draf MOU,
- ii. perincian acara menandatangani MOU di Jordan; dan
- iii. perancangan program untuk tahun 2024 dan 2025.

Ahli mesyuarat terdiri daripada Pegawai dari IKMa yang mengikuti mesyuarat secara dalam talian adalah seperti berikut:

1. Dr. Zurita binti Mohd Saleh, Pengarah Pusat Antarabangsa
2. Puan R. Zarinatun binti Mohd Abdul Kader, Pegawai Latihan Kanan, Pusat Antarabangsa
3. Encik Muhammad Afnan bin Hasim, Pegawai Latihan, Pusat Antarabangsa
4. Encik Md Nasrein bin Islah, Penolong Pengarah Unit Teknologi Maklumat

Ahli mesyuarat dari JCC adalah seperti berikut:

1. Mr. Thamer Madarmah (Ministry of Planning and International Cooperation)
2. Dr. Nasser Abu-Alberak (Jordan Cooperative Corporation), dan
3. Mrs. Khitam Almazaydeh, penyelarasa program

Pertama, mesyuarat ini melihat kembali draf MOU yang telah disediakan oleh pihak IKMa. Beberapa perkara dalam MOU tersebut telah dibincangkan secara mendalam untuk memastikan semua pihak memahami dengan jelas setiap klausa dan peruntukan yang terkandung. Ini adalah langkah penting untuk memuktamadkan dokumen tersebut sebelum ia dapat ditandatangani. Seterusnya, mesyuarat beralih kepada persiapan majlis menandatangani MOU yang akan diadakan di Jordan. Perincian acara, termasuk logistik, agenda majlis, dan kehadiran tetamu penting, telah dibincangkan dan dirancang dengan teliti untuk memastikan kelancaran majlis tersebut.

Selain itu, mesyuarat juga membincangkan perancangan program untuk tahun 2024 dan 2025. Perbincangan ini turut melibatkan pertimbangan bajet yang diperlukan bagi melaksanakan program-program yang dirancang. Langkah ini adalah penting untuk memastikan semua aktiviti yang dirancang dapat dijalankan dengan lancar dan berkesan. Akhirnya, mesyuarat memberikan ruang untuk membincangkan sebarang perkara lain yang relevan. Ini memberikan peluang kepada semua ahli untuk mengemukakan sebarang isu atau cadangan tambahan yang mungkin tidak termasuk dalam agenda utama.

Kesimpulannya, mesyuarat atas talian kali kedua ini berjaya mencapai matlamatnya dengan perbincangan yang menyeluruh mengenai draf MOU, persiapan acara di Jordan, serta perancangan program masa depan. Semua keputusan dan langkah yang diambil diharapkan dapat memperkukuhkan kerjasama antara JCC dan IKMa serta memastikan kejayaan program-program yang dirancang.



Perbincangan sedang berlangsung antara IKMa dengan JCC pada 25 Mac 2024.

Delegasi Ketua Pengarah IKMa ke Kementerian Kewangan dan Ekonomi Brunei Darussalam

Syarifah Rohaya Wan Idris
 syarifah@ikma.edu.my
 Institut Koperasi Malaysia Zon Sarawak
 (Cawangan Miri)



Delegasi IKMa bergambar di hadapan bangunan Kementerian Kewangan dan Ekonomi Brunei.



Bergambar bersama pegawai UPK.

Pada 25 Ogos 2023, IKMa ibu pejabat, Petaling Jaya, Selangor telah menerima lawatan kerja daripada wakil ICA-AP dan Unit Pembangunan Koperasi (UPK), Kementerian Kewangan dan Ekonomi Negara Brunei Darussalam. Dalam program lawatan tersebut, satu sesi perbincangan turut diadakan. Salah satu skop yang telah dibincangkan adalah cadangan untuk menjalinkan hubungan kerjasama strategik antara unit tersebut dengan IKMa melalui memorandum persefahaman (MoU). Objektif utama MoU ini adalah untuk memperkasakan pembangunan gerakan koperasi di kedua-dua buah negara melalui program-program pembangunan kapasiti modal insan yang berorientasikan keperluan gerakan. Inisiatif ini selaras dengan

Matlamat Pembangunan Mampan (SDG) khususnya berkaitan tadbir urus koperasi dan *SMART Partnership*. Selain itu, penyertaan dalam program Malaysian Technical Cooperation Programm (MTCP) turut dibincangkan di mana koperator dan pemegang taruh koperasi di Brunei juga turut pernah terlibat dalam beberapa program tersebut sebelum ini yang dilaksanakan oleh IKMa di bawah pembiayaan Kementerian Luar Negeri (KLN), Malaysia.

Susulan daripada program lawatan kerja tersebut, IKMa Zon Sarawak Cawangan Miri telah mengambil inisiatif untuk mengadakan kunjungan hormat ke Unit Pembangunan Koperasi (UPK), Kementerian Kewangan dan Ekonomi Brunei Darussalam sebagai

kunjungan balas pada 7 Februari 2024. Lawatan ini juga diadakan bersempena program MASKOP MADANI 2024 yang diadakan di Eastwood Valley Golf and Country Resort di Miri pada hari sebelumnya, iaitu 6 Februari 2024.

Kunjungan hormat ke UPK ini telah diketuai oleh YBhg. Datuk Mohd Ali bin Mansor, Ketua Pengarah Institut Koperasi Malaysia (IKMa) dengan diiringi Puan Siti Maimunah binti Haji Jerni, Pengarah IKMa Zon Sarawak dan beberapa pegawai kanan IKMa. Selain sebagai kunjungan balas, kunjungan hormat ini diadakan bertujuan untuk merapatkan hubungan silaturahim di samping bertukar maklumat dan idea berkaitan perkembangan koperasi dan pembangunan kapasiti modal insan di negara masing-masing di



Sesi penyampaian cenderahati oleh Dr. Hajah May Fa'ezah kepada YBhg. Datuk Mohd Ali.



Sesi penyampaian cenderahati oleh YBhg. Datuk Mohd Ali kepada Dr. Hajah May Fa'ezah.



Sesi perbincangan diadakan usai penyampaian cenderahati.

samping membincangkan jalinan kerjasama di antara IKMa dengan UPK melalui memorandum persefahaman (MoU) untuk program-program yang boleh dilaksanakan secara bersama terutamanya program yang berkaitan pembangunan usahawan dan koperasi di kedua-dua buah negara.

Selain itu, IKMa juga mengambil kesempatan yang ada ini untuk menguar-uarkan kewujudan IKMa Cawangan Miri yang telah beroperasi sejak Januari 2023 serta program-program latihan koperasi yang ditawarkan terutamanya oleh IKMa Zon Sarawak dan IKMa Cawangan Miri sepanjang tahun 2024 yang boleh disertai oleh koperator di negara Brunei Darussalam atas faktor lokasi yang berdekatan.

Rombongan IKMa tiba ke Bangunan Kementerian Kewangan dan Ekonomi pada jam 10.00 pagi hari itu telah disambut meriah oleh pegawai-pegawai UPK yang diketuai oleh Dr. Hajah May Fa'ezah binti Haji Ahmad Ariffin, yang merupakan Setiausaha Tetap (Ekonomi, Perdagangan dan Industri) selaku Pendaftar Koperasi-

koperasi Brunei Darussalam dan Puan Pengiran Suridah binti Pengiran Sulaiman, Pemangku Pengarah Bahagian Pendaftaran Syarikat dan Nama Perniagaan serta beberapa pegawai yang lain.

Sesi perjumpaan dimulakan dengan ucapan alu-aluan daripada Dr. Hajah May Fa'ezah dan diteruskan oleh Puan Pengiran Suridah sebelum rombongan ditayangkan dengan video pendek mengenai pembangunan koperasi di Brunei serta pencapaian

UPK sepanjang 2023. Seterusnya, YBhg. Datuk Mohd Ali diberi penghormatan untuk memberikan sepatah dua kata selaku ketua delegasi pada hari itu. Usai sesi penyampaian cenderahati dan bergambar beramai-ramai, sesi perbincangan kepada agenda utama program dilaksanakan. Perbincangan tamat pada jam 12.30 tengah hari dan rombongan dibawa ke Restoran Tarindak D'seni untuk jamuan merarau sebelum beredar balik ke Miri pada jam 2.00 petang.



Bergambar di hadapan Restoran Tarindak D'seni sebelum berangkat pulang ke Miri.



Lawatan penanda aras IKMa ke Agensi Nuklear Malaysia yang diketuai oleh Puan Norazila, Pengarah Pentadbiran IKMa.



Pegawai IKMa yang hadir diberi peluang untuk melihat fasiliti di Agensi Nuklear Malaysia.

Lawatan Penanda Aras IKMa ke Agensi Nuklear Malaysia

Khairul Akmal Saim
 akmal@ikma.edu.my
 Unit Perkhidmatan Perpustakaan

Satu lawatan penanda aras telah diadakan dijalankan oleh Jawatankuasa Teknikal Pengurusan Pengetahuan IKMa ke Agensi Nuklear Malaysia pada 5 Mac 2024 yang lalu. Lawatan ini dihadiri seramai 6 orang pegawai IKMa yang diketuai oleh Pengarah Pentadbiran, Puan Norazila binti Mohd Tauhid selaku pengerusi Jawatankuasa Teknikal Pengurusan Pengetahuan IKMa.

Lawatan ini bertujuan untuk melihat dan berkongsi pengalaman Agensi Nuklear Malaysia dalam membudayakan aktiviti pengurusan pengetahuan.

Sesi taklimat itu telah diberikan oleh Puan Habibah binti Adnan, Pengarah Pengurusan Maklumat bersama beberapa lagi pegawai dari Agensi Nuklear. Kami juga teruja dapat melihat rektor nuklear yang pertama

di Malaysia yang dibangunkan bagi tujuan penyelidikan.

Semoga lawatan penanda aras dan perkongsian maklumat dan idea antara pegawai IKMa dan Agensi Nuklear khususnya mengenai pembudayaan pengurusan pengetahuan akan meningkatkan lagi jalinan kerjasama yang baik serta dapat bertukar-tukar idea dan nilai tambah dalam membentuk budaya kerja cemerlang.

Kunjungan Hormat Pengarah Institut Tanah dan Ukur Negara (INSTUN)

Nur Ain Azmira Abu Seman
azmira@ikma.edu.my
Unit Komunikasi Korporat



Encik Mohd Zaib bin Mat Yunus, TKPPMI IKMa memperkenalkan koleksi bahan penerbitan IKMa kepada delegasi lawatan.



Delegasi lawatan dari INSTUN bergambar kenangan bersama Ketua Pengarah dan pengarah-pengarah kanan IKMa.

Institut Koperasi Malaysia (IKMa) berbesar hati menerima kunjungan hormat delegasi dari Institut Tanah dan Ukur Negara (INSTUN) pada 18 Mac 2024 yang diketuai oleh Pengarah INSTUN sendiri iaitu Tuan Khairin Nazry bin Karim.

Ketibaan delegasi daripada Institut Tanah dan Ukur Negara telah disambut dengan meriah oleh

YBhg. Datuk Mohd Ali bin Mansor selaku Ketua Pengarah Institut Koperasi Malaysia, Timbalan Ketua Pengarah Pembangunan Modal Insan, Encik Mohd Zaib bin Mat Yunus, Timbalan Ketua Pengarah Pentadbiran, Puan Hamidah binti Mohd Jos dan beberapa pengarah kanan IKMa.

Setelah selesai sesi taklimat, delegasi kunjungan hormat dibawa

ke sekitar IKMa terutamanya di Perpustakaan Tan Sri Noh Omar, ruangan kursus dijalankan serta kemudahan lain seperti dewan makan dan asrama yang disediakan oleh IKMa kepada para peserta kursus. Diharapkan semoga kunjungan ini dapat mengeratkan hubungan antara kedua institut dan segala perkongsian bakal membawa manfaat bersama.



YBhg. Datuk Mohd Ali menyampaikan taklimat ringkas kepada delegasi lawatan daripada INSTUN.



Ketua Pengarah IKMa menerima cenderamata daripada Pengarah INSTUN.



Bergambar kenangan Mr. Kobayashi bersama YBhg. Datuk Mohd Ali bin Mansor, Ketua Pengarah IKMa.



Mr. Kobayashi melawat perpustakaan Tan Sri Noh Omar.

Kunjungan Hormat Pengarah Eksekutif IDACA, Jepun

R. Zarinatun binti Mohd Abdul Kader
 zarinatun@ikma.edu.my
 Pusat Antarabangsa

Pada 28 Mei 2024, jam 9.30 pagi, IKMa menerima kunjungan hormat daripada Mr. Hirofumi Kobayashi, Pengarah Eksekutif Institut Pembangunan Koperasi Pertanian di Asia (IDACA), Jepun. Lawatan ini bertujuan mengeratkan hubungan antara IDACA dan IKMa serta bertukar-tukar pandangan dalam usaha mengeratkan kerjasama antara kedua-dua institusi khususnya dalam bidang latihan dan pendidikan koperasi.

Kunjungan ini merupakan lawatan pertama Mr. Kobayashi ke IKMa sejak

beliau dilantik sebagai Pengarah Eksekutif IDACA, Jepun. Dalam rangka lawatan ini, perbincangan bersama telah diadakan untuk membincangkan pelbagai isu dan peluang kerjasama. Kedua-dua pihak bertukar pandangan mengenai cara-cara memperkukuhkan hubungan serta meningkatkan kualiti dan keberkesanan program latihan dan pendidikan koperasi yang dianjurkan oleh kedua-dua institut. Perbincangan ini diharap dapat membuka jalan kepada kerjasama yang lebih erat dan produktif pada masa hadapan.

Aktiviti lawatan Mr. Kobayashi dimulakan dengan melawat perpustakaan IKMa, di mana beliau diberi taklimat mengenai koleksi bahan bacaan dan sumber rujukan yang tersedia untuk pelajar dan penyelidik. Selepas itu, beliau dibawa ke bilik Techno Lab, di mana beliau menyaksikan demonstrasi teknologi terkini yang digunakan dalam latihan koperasi. Di sepanjang laluan, beliau turut melihat paparan dinding bergambar yang menceritakan sejarah perkembangan IKMa sejak



Mr Kobayashi meneliti buku- buku yang ditulis oleh pegawai latihan IKMa.

penubuhannya, memberikan beliau gambaran yang komprehensif tentang pencapaian dan evolusi institut tersebut.

Seterusnya, Mr. Kobayashi dibawa melihat potret mantan Menteri yang pernah mewakili IKMa serta potret mantan Ketua Pengarah yang telah berkhidmat di Institut Koperasi Malaysia. Beliau dapat menyaksikan sendiri gambar-gambar individu-individu yang telah memberikan sumbangan besar kepada perkembangan dan kejayaan IKMa.

Mr. Kobayashi juga dibawa melawat kemudahan-kemudahan latihan yang ada di IKMa. Beliau melawat Auditorium Dato' Abd. Majid, yang merupakan salah satu kemudahan utama untuk acara-acara besar dan seminar. Di bilik komputer, beliau melihat para pelajar menggunakan teknologi terkini dalam pembelajaran mereka. Lawatan diteruskan ke dewan makan dan asrama peserta koperasi, di mana beliau meninjau kemudahan tempat tinggal dan dewan makan untuk para peserta yang mengikuti kursus di IKMa.

Selain itu, Mr. Kobayashi juga melawat studio di bilik cempaka, yang digunakan untuk pengendalian program-program jangka pendek, webinar dan bicara ilmu secara atas talian. Beliau turut diberi peluang untuk melihat kelas yang menjalankan kursus jangka pendek, terutamanya melibatkan anggota koperasi dari pelbagai latar belakang. Kelas ini bertujuan untuk meningkatkan pengetahuan dan kemahiran anggota koperasi dalam ilmu pengetahuan dan pendidikan khusus dalam bidang koperasi.

Akhir sekali, lawatan diteruskan ke bilik mesyuarat Anggerik, di mana perbincangan lanjut mengenai peluang kerjasama dan program masa depan diadakan. Lawatan ini berakhir dan bersurai pada pukul 11.23 pagi, menandakan tamatnya langkah penting dalam usaha memperkukuhkan hubungan antara IKMa dan IDACA, Jepun. Diharapkan lawatan ini akan menjadi pemangkin kepada kerjasama yang lebih erat dan memberi manfaat kepada kedua-dua institut dalam jangka masa panjang.



Sesi lawatan ke bilik mesyuarat Anggerik, Blok B, IKMa, PJ, Selangor.



Perbincangan bersama Mr. Kobayashi bersama Pegawai-pegawai IKMa.



Kunjungan Hormat Polytechnic University of the Philippines ke IKMa

R. Zarinatun Mohd Abdul Kader
 zarinatun@ikma.edu.my
 Pusat Antarabangsa

Pada 31 Mei 2024, Institut Koperasi Malaysia (IKMa) telah menerima kunjungan istimewa dari delegasi Polytechnic University of the Philippines (PUP). Lawatan ini diadakan di Bilik Mesyuarat Anggerik, Blok B, IKMa, Petaling Jaya, Selangor. Sesi lawatan bermula pada pukul 10.00 pagi dan berakhir sekitar jam 12.00 tengah hari. Kehadiran delegasi dari PUP merupakan satu penghormatan besar kepada IKMa dan menjadi platform penting untuk memperkukuh hubungan kerjasama antara dua institusi pendidikan ternama di rantau ini.

Delegasi PUP yang terdiri daripada pelbagai jawatan penting di universiti tersebut hadir sebagai salah satu agenda lawatan mereka selepas menyertai Program International

Co-operative Conference 2024 yang berlangsung di Everly Hotel, Putrajaya pada 29 hingga 30 Mei 2024. Persidangan ini membincangkan pelbagai topik penting mengenai koperasi dan memberi peluang kepada peserta untuk bertukar-tukar pandangan serta memperluas rangkaian kerjasama antarabangsa.

Antara objektif utama lawatan ini adalah kunjungan hormat kepada Pengurusan Tertinggi IKMa serta membincangkan potensi program pendidikan dan latihan koperasi yang boleh diselaraskan untuk tujuan manfaat bersama. Selain itu, lawatan ini juga bertujuan mengukuhkan lagi kerjasama yang telah dimeterai melalui memorandum persefahaman (MoU) yang ditandatangani pada 5 Julai 2022. MoU tersebut merangkumi

pelbagai bidang kerjasama termasuk penyelidikan, pertukaran pelajar dan staf, serta pembangunan program latihan.

Pegawai pengurusan tertinggi IKMa yang menyambut delegasi tersebut adalah:

1. **Encik Mohd Zaib bin Mat Yunus**, TKPMI, IKMa
2. **Cik Sharina binti Abdullah**, Pengarah Kanan, Bahagian Dasar dan Strategi, IKMa
3. **Encik Mohamad Rasyidi bin Abd. Rashid**, Pengarah Kanan, Pusat Kewangan dan Akaun, IKMa
4. **Dr. Zurita binti Mohd Salleh**, Pengarah Pusat Antarabangsa, IKMa
5. **Dr. Mohd Shahron Anuar bin Said**, Pengarah Pusat Penyelidikan, IKMa



Delegasi mendengar taklimat berkaitan *techno lab* di Perpustakaan Tan Sri Noh Omar IKMa di Petaling Jaya, Selangor

6. Encik Muhamad Afnan bin Hasim, Pegawai Latihan, Pusat Antarabangsa, IKMa

Delegasi PUP yang hadir termasuk:

1. **Prof. Rebecca E. Palma**, Quality Assurance for International Affairs, PUP
2. **Dr. Angelita S. Villaruel**, Extension Management Cluster Coordinator for College of Social Sciences Development and College of Political Science and Public Administration, PUP
3. **Asst. Alexander B. Prudente Jr.**, On Job Training Coordinator, PUP
4. **Assoc. Prof. Michael S. Pechardo**, College Registrar College of Law, PUP
5. **Dr. Raul Roland R. Sebastian**, Dean College of Social Science and Development, PUP

Setelah tiba, delegasi Filipina ini dibawa melawat ke Perpustakaan Tan

Sri Noh Omar IKMa di Petaling Jaya, Selangor. Di perpustakaan ini, mereka diberikan penerangan mengenai perkhidmatan yang disediakan termasuk fasiliti Techno Lab yang canggih. Perpustakaan ini merupakan pusat rujukan penting bagi pelajar dan penyelidik di IKMa, menyediakan pelbagai bahan bacaan dan sumber digital yang relevan dengan bidang koperasi.

Seterusnya, sesi perbincangan diadakan di Bilik Mesyuarat Anggerik bersama pengurusan tertinggi IKMa. Perbincangan ini melibatkan isu-isu berkaitan program-program pendidikan dan latihan yang telah dijalankan serta penambahbaikan untuk masa hadapan bagi kebaikan kedua-dua institusi dan pergerakan koperasi. Beberapa cadangan yang dibincangkan termasuklah pertukaran staf pengajar untuk program jangka pendek, pembangunan modul latihan koperasi yang lebih komprehensif,

serta pelaksanaan seminar bersama yang menekankan aspek pengurusan koperasi moden.

Selain itu, agenda penting dalam perbincangan tersebut termasuklah perancangan untuk memperbaharui MoU pada 5 Julai 2025. Pembaharuan ini dijangka akan memperluaskan lagi skop kerjasama, melibatkan lebih banyak aktiviti yang berfokus kepada inovasi dalam pendidikan koperasi dan peningkatan kemahiran teknikal staf serta pelajar.

Lawatan ini juga memberi peluang kepada kedua-dua pihak untuk berkongsi pengalaman dan kejayaan dalam bidang masing-masing. PUP berkongsi tentang inisiatif mereka dalam memastikan kualiti pendidikan yang tinggi serta projek-projek kemasyarakatan yang melibatkan penyertaan aktif dari pelajar dan staf. IKMa pula membentangkan tentang kejayaan mereka dalam melatih lebih ramai ahli koperasi yang berdaya saing dan berpengetahuan luas mengenai pengurusan dan pentadbiran koperasi.

Lawatan ini berakhir dengan jayanya sekitar jam 12.00 tengah hari, menandakan satu lagi langkah positif dalam memperkukuhkan hubungan kerjasama antara IKMa dan PUP. Semoga hubungan erat ini terus berkembang dan memberi manfaat besar kepada sektor koperasi di kedua-dua negara. Dengan kerjasama yang berterusan, kedua-dua institusi dapat memainkan peranan penting dalam membangunkan modal insan yang berkualiti dan memajukan sektor koperasi di peringkat global.



Warga kerja IKMa tidak ketinggalan untuk memeriahkan program Hari Terbuka Perpustakaan Tan Sri Noh Omar anjuran Unit Perkhidmatan Perpustakaan, IKMa.

Hari Terbuka Perpustakaan 2024

Khairul Akmal Saim

akmal@ikma.edu.my
Unit Perkhidmatan Perpustakaan



Sesi perkongsian buku yang disampaikan oleh dua pemenang peminjam buku terbanyak tahun 2023.

Perpustakaan Tan Sri Noh Omar, Institut Koperasi Malaysia buat julung kalinya telah mengadakan program Hari Terbuka Perpustakaan bertempat di Institut Koperasi Malaysia, Petaling Jaya pada 20 Mac 2024 yang lalu. Program ini telah menarik minat warga kerja IKMa untuk sertainya seawal jam 9 pagi.

Objektif program ini adalah bagi mendekatkan warga kerja IKMa dengan perpustakaan selain memberikan pendedahan dan promosi mengenai perkhidmatan perpustakaan yang ada. Antara pengisian program seperti Sesi Perkongsian Buku yang telah disampaikan oleh Puan Sharina binti Abdullah dan Encik Muhammad Badrul Amin bin Rosli.

Selain itu, aktiviti lain yang diadakan juga seperti Klinik Buku, 'Library Awareness' dan permainan *indoor* santai. Turut hadir sama dalam program ini ialah Encik Mohd Zaib bin Mat Yunus, Timbalan Ketua Pengarah PMI dan Puan Hamidah binti Mohd Jos, Timbalan Ketua Pengarah Pengurusan.

Program CSR Memasak dan Edaran Bubur Lambuk

Nur Ain Azmira Abu Seman
azmira@ikma.edu.my
Unit Komunikasi Korporat



Penyerahan bubur lambuk oleh YBrs. TKPPMI IKMa kepada salah satu agensi di bawah KUSKOP.



Kakitangan IKMa bertungkus lumus membantu proses memasak bubur lambuk.

Institut Koperasi Malaysia (IKMa) telah menganjurkan Program CSR Memasak dan Edaran Bubur Lambuk pada 26 Mac 2024. Program tahunan IKMa ini diadakan secara gotong-royong melibatkan seluruh warga kerja IKMa dan diketuai oleh Badan Kebajikan Islam (BAKIM) dan Unit Komunikasi Korporat. Sebanyak 1000 bekas bubur lambuk disediakan dan

telah diedarkan di sekitar Petaling Jaya.

Program CSR ini merupakan salah satu usaha memperkenalkan dan mendekatkan lagi IKMa kepada masyarakat dan ia dilihat lebih bermakna kerana dilaksanakan bersempena bulan Ramadan yang mulia ini bagi melahirkan rasa keprihatinan IKMa untuk berkongsi

rezeki dengan masyarakat sekitar khususnya warga kementerian, rakan agensi dan rakan media.

Kesimpulannya, di harap agar Program CSR Edaran Bubur Lambuk ini menjadi salah satu inisiatif program tahunan IKMa yang mampu memperkenalkan dan membudayakan prinsip koperasi itu sendiri di dalam komuniti.



Proses pembungkusan bubur lambuk yang dijalankan oleh kakitangan IKMa.

10 Januari 2024

Sesi Temu bual TKPMI dan TKPP Sempena 50 Tahun Majalah Pelancar ANGKASA



11 Januari 2024

IKMa Perintis Latihan Matlamat Pembangunan Mampan (SDG) Gerakan Koperasi



23 Januari 2024

Kunjungan Hormat IKMa ke Institut Analitik Data Raya dan Kepintaran Buatan (IBDAAI), UiTM



2 Februari 2024

Perbincangan Kerjasama Program Sangkutan Luar Negara antara IKMa dan ARI UiTM



20 Februari 2024

Lawatan Institut Latihan Keselamatan Perlindungan Malaysia (ILKEM), Pejabat Ketua Pegawai Keselamatan Kerajaan Malaysia (CGSO) dan Jabatan Perdana Menteri Ke IKMa



21 Mac 2024

Majlis Perhimpunan Dwi Bulanan & Berbuka Puasa Institut Koperasi Malaysia



22 Mac 2024

Sesi Dialog Perjawatan & Perkhidmatan bersama Bahagian Pengurusan Sumber Manusia, KUSKOP

19 April 2024

Sesi Perkongsian Pengalaman Bersama Puan Najmah Nawawi, Pengerah Kanan IKMa

2 Mei 2024


Perjumpaan IKMa bersama Felcra Berhad bagi tujuan Program Transformasi Digital (Fokus: Peruncitan)

6 Mei 2024

Majlis Taklimat IKMa Kepada Pengerusi Lembaga Pengarah Baharu dan Majlis Sekalung Budi Mantan Pengerusi

9 Mei 2024

Majlis Sambutan Hari Raya Aidilfitri KUSKOP 2024 dan Penyampaian Watikah Pelantikan Pengerusi Lembaga Pengarah IKMa



14 Mei 2024

Wawancara Selamat Pagi Malaysia (SPM) bersama YBhg. Datuk Mohd Ali bin Mansor, Ketua Pengarah IKMa



24 - 26 Mei 2024

Program Satu Daerah Satu Industri (SDSI) 2.0 Wilayah Utara di Stadium Indera Mulia, Ipoh



SEWA KEMUDAHAN IKMa

Institut Koperasi Malaysia (IKMa) menawarkan perkhidmatan penyewaan kemudahan untuk pelbagai **PROGRAM** dan **MAJLIS**. Berikut adalah kadar sewa yang ditawarkan:

AUDITORIUM DATO' A. MAJID	
<ul style="list-style-type: none"> Kapasiti 220 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM1,500.00	Sewa 5 jam RM1,250.00
Tambahan caj setiap jam RM190.00	Tambahan caj setiap jam RM180.00
TV Wall/Smart Board RM1,750.00 (5 jam)	TV Wall/Smart Board RM1,750.00 (5 jam)

DEWAN ABDUL AZİZ ISHAK	
<ul style="list-style-type: none"> Kapasiti 250 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM1,500.00	Sewa 5 jam RM1,250.00
Tambahan caj setiap jam RM190.00	Tambahan caj setiap jam RM180.00

DEWAN MAKAN (SERI SIANTAN/SERI TANJUNG)	
<ul style="list-style-type: none"> Kapasiti 220 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM1,500.00	Sewa 5 jam RM1,250.00
Tambahan caj setiap jam RM190.00	Tambahan caj setiap jam RM180.00
LCD Projektor RM600.00 (5 jam)	LCD Projektor RM500.00 (5 jam)

BILIK KULIAH (BESAR) – BUNGA RAYA	
<ul style="list-style-type: none"> Kapasiti 80 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM500.00	Sewa 5 jam RM380.00
Tambahan caj setiap jam RM65.00	Tambahan caj setiap jam RM65.00
TV Wall/Smart Board RM400.00 (5 jam)	TV Wall/Smart Board RM400.00 (5 jam)

BILIK KULIAH (KECIL) – MELATI, MELUR & SEROJA	
<ul style="list-style-type: none"> Kapasiti 30 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM400.00	Sewa 5 jam RM250.00
Tambahan caj setiap jam RM65.00	Tambahan caj setiap jam RM65.00
TV Wall/Smart Board RM400.00 (5 jam)	TV Wall/Smart Board RM400.00 (5 jam)



BILIK KOMPUTER (BESAR) – ATOM & NANO	
<ul style="list-style-type: none"> Kapasiti 50 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 9 jam + TV Wall/Smart Board RM400.00 (5 jam)	Sewa 9 jam + TV Wall/Smart Board RM400.00 (5 jam)
Tambahan caj RM30.00 setiap komputer yang digunakan	Tambahan caj RM30.00 setiap komputer yang digunakan

BILIK KOMPUTER (KECIL) – XEON	
<ul style="list-style-type: none"> Kapasiti 30 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 9 jam + TV Wall/Smart Board RM400.00 (5 jam)	Sewa 9 jam + TV Wall/Smart Board RM400.00 (5 jam)
Tambahan caj RM30.00 setiap komputer yang digunakan	Tambahan caj RM30.00 setiap komputer yang digunakan

BILIK PENGINAPAN	
JENIS A	JENIS B
SWASTA RM115.00/malam	KOPERASI/AGENSİ KERAJAAN RM100.00/malam

BILIK PENGINAPAN	
JENIS B	JENIS C
SWASTA RM75.00/malam	KOPERASI/AGENSİ KERAJAAN RM65.00/malam



GELANGGANG FUTSAL & PETANQUE	
<ul style="list-style-type: none"> Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM140.00	Sewa 5 jam RM80.00
Tambahan caj setiap jam RM40.00	Tambahan caj setiap jam RM40.00

SKYLIGHT	
<ul style="list-style-type: none"> Kapasiti 80 pax Wang cagaran RM300.00 	
SWASTA	KOPERASI/AGENSİ KERAJAAN
Sewa 5 jam RM600.00	Sewa 5 jam RM500.00

Maklumat lanjut sila hubungi:

Unit Fasiliti dan Sajian

Institut Koperasi Malaysia
103, Jalan Templer, 46700 Petaling Jaya, Selangor Darul Ehsan.

03-7964 9000 (samb. 098)

sewa@ikma.edu.my

www.ikma.edu.my

BAHAN PENERBITAN Institut Koperasi Malaysia (IKMa)

Institut Koperasi Malaysia (IKMa)
menerbitkan pelbagai bahan
berkaitan koperasi,
termasuk:

Jurnal

Malaysia Journal of Cooperative Studies (MJCS):
MJCS adalah jurnal akademik yang diterbitkan satu kali
setahun oleh IKMa. Jurnal ini menerbitkan artikel
penyelidikan tentang koperasi dari seluruh dunia.



Monograf Penyelidikan:

IKMa menerbitkan monograf
penyelidikan tentang pelbagai aspek
koperasi. Ia bertujuan untuk membantu
meningkatkan pengetahuan dan
pemahaman tentang koperasi.



Buku

IKMa menerbitkan buku dan rujukan untuk gerakan koperasi.
Buku-buku ini meliputi topik seperti tabdir urus, pengurusan
keuangan, pengurusan koperasi dan Kisah Kejayaan Koperasi
Dalam dan Luar Negara dan lain-lain lagi.




Laporan Tahunan

IKMa menerbitkan laporan tahunan
yang memaparkan pencapaian dan
aktiviti IKMa sepanjang tahun.



Majalah

Dimensi Koop: Dimensi Koop adalah majalah yang diterbitkan
oleh IKMa untuk gerakan koperasi dan orang awam. Majalah ini
menyediakan artikel tentang koperasi di Malaysia khususnya. Ia
diterbitkan sebanyak empat kali setahun.



INFO: Majalah INFO merupakan majalah tentang
aktiviti atau program yang dijalankan oleh IKMa
bagi sepanjang tahun. Ia diterbitkan sebanyak dua
kali setahun.

Cara Mendapatkan Bahan Penerbitan IKMa

Bahan penerbitan IKMa boleh didapati dengan cara berikut:

- Membeli secara dalam talian: Kebanyakan bahan penerbitan IKMa boleh dibeli secara dalam talian di laman web e-learning.ikma.edu.my.
- Memuat turun secara percuma: Beberapa bahan penerbitan IKMa boleh dimuat turun secara percuma di laman web IKMa.

Untuk maklumat lanjut tentang bahan penerbitan IKMa, sila layari laman web IKMa
di <https://www.ikma.edu.my/> atau hubungi Unit Pembangunan Modal Insan dan Transformasi Digital di talian 03 7964 9155.